













PL  
2685  
A17  
1699  
v. 8



施註蘇詩卷之二十四

漫堂先生宋 犖

閱定

長洲顧嗣立

毗陵邵長蘅

刪補

樸園先生張榕端

商丘宋 至

詩四十三首

起自登州還朝洎元祐丙寅改元在西掖作本卷用王鞏韻送其姪震以後詩如干首施註缺今補

海市

并引

予聞登州海市舊矣父老云常出於春夏今歲晚  
不復見矣予到官五日而去以不見爲恨禱於海  
神廣德王之廟明日見焉乃作此詩

東方雲海三復空羣仙出沒空明中蕩搖浮世生萬象





初云云長橋軍車上  
正馬外全用漆傷之  
實靜之也若作  
別圖作擬摹柳畫  
竹房抄手

望海市語  
徒不足現法  
佳記

豈有貝闕。擬珠宮。心知所見皆幻影。敢以耳目煩神工。  
歲寒水冷。天地閉。爲我起鰲鞭。魚龍重樓翠。阜出霜曉。  
異事驚倒百歲翁。人間所得容力取。世外無物誰爲雄。  
率然有請不我拒。信我人厄非天窮。潮陽太守南遷歸。  
喜見石廩堆祝融。自言正直動山鬼。豈知造物哀龍鍾。  
信者一笑豈易得。神之報汝亦已豐。斜陽萬里孤鳥沒。  
但見碧海磨青銅。新詩綺語亦安用。相與變滅隨東風。

楚辭九歌。紫貝闕。今珠宮已見金剛經。一切有爲法。如夢幻泡影。唐韓愈傳諫佛  
骨事貶潮州刺史。又謁衡岳詩。潛心默禱。若有應。豈非正直能感通。須臾靜掃衆  
峯出。仰見突兀撐青空。紫蓋連延接天柱。石廩騰擲堆祝融。蘇氏演義。龍鍾謂不  
昌熾。不翹舉。如鬢髮拉搭之類。漢薛宣傳。欲君自圖進退。可復信者於後。工部記  
蓬萊山在碧海中。  
水皆碧。故曰碧海。



登州孫氏松堂

萬松誰種已攄攄半嶺蒼雲映此邦  
露重珠璣蒙翠蓋  
風來石齒碎寒江  
浮空兩竹橫南閣  
倒景扶桑射北牕  
坐待夕烽傳海嶠  
重城歸去踏逢逢

梁元帝纂要曰景在上曰反景在下曰倒影司馬相如大人賦貫列缺之倒影兮涉豐隆之滂濞注倒影氣去地四千里其景皆倒在下也詩大雅鼉鼓逢逢韓退之詩不踏曉鼓

過萊州雪後望三山

馬浮書

東海如碧環西北卷登萊雲光與天色直到三山回我行適冬仲薄雪收浮埃黃昏風絮定半夜扶桑開參差太華頂出沒雲濤堆安期與羨門乘龍安在哉茂陵秋

不若古枯而秋意恒  
在



風客勸爾麾一杯帝鄉不可期楚些招歸來

劉禹錫詩水遶亭臺碧玉環地志萊州掖縣載三山在海之南岸史記封禪書秦始皇東遊海上行禮祠名山川及八神求僊人羨門之屬又八神四曰陰主祠三山又樂大啟爲大言處之不疑大言曰臣嘗往來海中見安期羨門之屬顧以臣爲賤不信臣漢紀武帝葬茂陵李賀金銅仙人歌茂陵劉郎秋風客晉孝武帝紀長星勸汝一杯酒陶淵明歸去來辭富貴非吾願帝鄉不可期宋玉招魂魂兮歸來君無上天些

遺直坊

并引

富公之客李君諱常登人也故太守李公諱師中  
榜其間曰遺直而其子大方求詩於軾爲賦一首

使君不浪出羔鴈親扣門先生但清坐薤水已多言當  
時邦人化市無晨飲豚歲月曾幾何客主皆九原曾經  
有遺歎楚些無歸魂我作遺直詩過者式其藩



禮記飾羔雁者以續後漢陳實傳子紀紀子羣弟堪父子並著高名同時在羔  
鴈成羣後漢龐參傳為漢陽守郡人有任棠者隱居教授參到先候之棠不與言  
但以薤一本水一盂置戶屏前自抱孫兒伏於戶下參思其微意良久曰是欲曉  
太守也水者欲吾清拔大本薤者欲吾擊強宗抱兒當戶者欲吾開戶恤孤於是  
歎息而還家語初魯之販羊有沈猶氏者常朝飲其羊以詐市人孔子  
為政沈猶氏不敢飲其羊左傳昭十四年仲尼曰叔向古之遺直也

### 次韻趙令鑠

趙令鑠字伯堅一云字景貺熙寧中以  
諸衛將軍對策學士院改職方員外郎

東坡已報六年穰惆悵紅塵白首郎枕上谿山猶可見  
門前冠蓋已相望故人年少真瓊樹落筆風生戰堵牆  
端向甕閒尋吏部老來專以醉為鄉

史記貨殖傳歲在金穰水毀木飢火旱莊子庚桑楚北居畏壘之山居三年畏壘  
大穰先生在黃州凡跨六年故云漢文帝紀遣使者冠蓋相望結轍於道晉王戎  
傳戎目王衍神姿高澈如瑤林瓊樹杜子美莫相疑行集賢學士如堵牆觀我落  
筆中書堂指趙對策事也甕閒用晉畢卓事已見二十二卷岐亭詩注王績醉鄉  
記阮嗣宗陶淵明等十數  
人並游於醉鄉沒身不返



次韻王定國得穎倅二首

仙風入骨已凌雲秋水爲文不受塵一噫固應號地籟  
餘波猶足挂天紳買牛但自捐三尺射鼠何勞挽六鈞  
莫向百花潭上去醉翁不見與誰親

漢司馬相如傳奏大人賦天子大說飄飄有凌雲氣游天地之間意莊子美詩天  
兒九齡色清澈秋水爲神玉爲骨禹貢餘波入於流沙孟郊詩蒼溟擲天紳韓退  
之詩是時雨初霽懸瀑垂天紳三國魏杜襲傳千鈞之弩不爲鼉風發機再見左  
傳定八年顏高之弓六鈞注云三十斤爲鈞百花潭疑當在潁州歐陽文忠公自  
號醉翁致仕  
居清潁尾

滔滔四海我知津每媿先生植杖耘自少多言晚聞道  
從今閉口不論文灑翻白獸樽中酒歸煮青泥坊底芹  
要識老僧無盡處牀前牛蟻不曾聞



晉禮樂志正旦元會設白獸樽於殿庭蓋上施白獸有能獻直言者發此樽以之  
時哲宗即位求言上書者以千計司馬溫公考定孔宗翰居第一定國第二稍進  
用故用白獸尊事杜子美詩飯煮青泥坊底芹仙傳拾遺周末殺裴弘於蜀其血  
碧色入地化為碧玉數里內土皆青色今蜀有青泥坊即弘死處傳燈錄壽州道  
樹禪師云伊彼有窮我不見不  
聞無盡牛蟻用殷仲堪父事再見

### 次韻趙令鑠惠酒

神山無石髓生世悲暫寓坐待玉膏流千載真旦暮青  
州老從事鬲上非所部惠然肯見從知我憎市酤開餅  
自洗盞肴核誰與具門前聽剝啄烹魚得尺素

東方朔十洲記瀛洲有蘊玉石出泉如酒味甘名玉酒或名玉膏飲之數升令人長  
生莊子齊物論萬世之後而遇大聖知其解者是旦暮遇之也石髓青州注並再見

### 送范純粹守慶州

范純粹字德孺文正公之季子哲宗即位  
以直龍圖閣京東轉運副使代其兄忠宣

公守慶諸棄所侵西夏地曰爭地未棄則邊隙無時可除於是還  
四砦而夏人服紹聖後以棄地故又坐黨錮屢起屢仆終龍圖閣



直學士此詩言文正公在仁宗時李元昊叛命  
詔以計降之德孺守慶州竟如先生所期云

才大古難用論高常近迂君看趙魏老乃爲滕大夫浮  
雲無根蒂黃潦能須臾知經幾成敗得見眞賢愚羽旄  
照城闕談笑安邊隅當年老使君赤手降於菟諸郎更  
何事折箠鞭其雛吾知鄧平叔不鬪月支胡

孫樵與賈希逸書王川子月蝕詩韓吏部進學解莫不倚天拔地句句欲活讀之  
如赤手捕長蛇不施鞍騎生馬老使君指文正也後漢鄧禹傳帝徵禹還勅曰赤  
眉無穀自當來東吾折箠笞之非諸將憂也又鄧訓傳字平叔爲護羌校尉先是  
小月氏胡分居塞內勝兵者二三千騎每與羌戰常以少制多時迷吾子迷唐與  
武威種羌合兵萬騎來至塞下欲脅月氏胡訓擁衛稽故令不得戰又令開城及  
所居園門悉驅羣胡妻子納之嚴兵守衛羌掠無所得因卽解去由是湟中諸胡  
皆言漢家常欲鬪我曹今鄧使君待我以恩信  
開門納我妻子咸歡喜叩頭曰惟使君所命

次韻王震



攜文過我治平閒霧豹當時始一斑聞道吹噓借餘論  
故教流落得生還清篇帶月來霜夜妙語先春發病顏  
詩酒暮年猶足用竹林高會許時攀

劉向列女傳陶答子相陶家教不修而富其妻曰妾聞南山有豹霧雨七日不下  
食欲以澤其毛衣而成文章也嘗畫上獻之年數歲嘗觀門生擣蒲曰南風不競  
門生曰此郎亦管中窺豹時見一斑後漢鄭太傅孔公緒清談高論噓枯吹生南  
史謝朓傳是子聲名未立應共獎成無惜齒牙餘論晉嵇唐傳所與神交者阮籍  
山濤預其流者向秀劉伶籍兄子咸王戎遂爲竹林之遊  
世謂竹林七賢按震字子發定國之姪也故以咸爲比

### 次韻王定國謝韓子華過飲

楚有孫叔敖長城隱千里哀哉練裙子負薪躡破履豈  
無故交親逝去如覆水不如老優孟談笑託諧美世家  
不可恃如倚折足几祥符有賢相手握天下砥懿敏亦



名公三貴德爵齒蓋棺今幾日公子誰料理誰要卿料  
理欲說且止止宅相開府公久爲蒼生起如何垂老別  
冰盤餽蒼耳二嫌妨鶚薦相對發微泚新詩如彈丸脫  
手不移晷我亦老賓客苦語落紈綺莫辭三上章有道

貧賤恥

唐李勣傳帝嘗曰我用勣守井突厥不敢南向賢長城遠矣南史檀道濟傳壞汝  
萬里長城又任昉傳昉卒後有子不能自振生平舊交莫有收卹西華冬月著葛  
帳練裙道逢劉孝標泣然矜之爲著廣絕交論優孟事在史記滑稽傳屢見按定  
國大父魏國文正公相眞宗於景德祥符間四方底平懿敏公事仁宗出入侍從  
將帥三十餘年法華經止止不須說我法妙難思晉魏舒傳外家甯氏起宅相者  
云當出貴甥舒曰當爲成此宅相韓子華乃王氏甥後漢福衡傳孔融上疏薦衡  
曰鷺鳥累百不如一鶚使衡立朝必有可觀杜子美  
墜馬歌甫也諸侯老賓客班氏叙傳紈袴之間

惠崇春江晚景二首

圖畫見聞志建陽僧惠崇光工小景爲  
寒汀遠渚蕭灑虛曠之象人所難到



此詩名篇興象多步  
力厚明

亦有情懷

竹外桃花三兩枝。春江水暖鴨先知。蒹葭滿地蘆花短。  
正是河豚欲上時。

梅聖俞河豚詩春洲生荻牙春岸  
飛楊花河豚於此時貴不數魚鰕

兩兩歸鴻欲破羣。依依還似北歸人。遙知朔漠多風雪。  
更待江南半月春。

次韻周邠

周邠字開祖已見第六卷公  
倅杭相與倡酬故結句云

南遷欲舉力田科。三徑初成樂事多。豈意殘年踏朝市。  
有如疲馬畏陵坡。羨君同甲心方壯。笑我無聊鬢已皤。  
何日西湖尋舊賞。淡煙疎雨暗漁簑。

次韻胡完夫

胡完夫名宗愈晉完夫係句云竹有竹林高興在欲前讀  
陵人劉樞宿之姪 有為君問



切姓王腰小標怡  
若未詩話也

青衫別淚尙爛斑十載江湖困抱關老去上書還北關  
朝來拄笏看西山相從杯酒形骸外笑說平生醉夢閒  
萬事會須咨伯始白頭容我占清閑

抱關用蕭望之事拄笏用王徽之事竝已見莊子德充符子與我游於形骸之內  
而子索我於形骸之外不亦過乎後漢胡廣傳字伯始達練事體明解朝章京師  
諺曰萬事不理問伯始天下中庸有胡公

次韻錢穆父

欽宗在東宮時所藏東坡帖甚富多有宸翰僉題  
卽位後出二十軸賜吳少宰元中元中爲曾文清

妹婿以十軸歸之今藏於元孫戶部郎樂道槃宿爲餘姚嘗刻石

縣齋墨蹟云病客來從飯顆山集本作遷客一言置我老劉閒集

本作二劉諸家所註皆引石勒載記云朕當有二劉之間耳先生

自註云公行軾告詞引董仲舒劉向事此註集本亦不載今補

穆父名鑑吳越讓王諸孫五歲日誦十言十三歲制舉業成既中

秘閣選廷對入等矣會王介甫惡孔經父策罷科不得第以蔭入

官神宗召對將任以清要介甫知其必不附已命權鹽鐵判官元

祐初拜中書舍人故有故人飛上金鑾殿之句哲宗蒞政入翰林



章子厚當軸憾其曠昔謫詞有怏怏非少主之臣碎礫  
無大臣之節二語罷知池州以卒後追復龍圖閣學士

老入明光踏舊班染須那復唱陽關故人飛上金鑾殿

病集作遷客來從飯顙山大筆推君西漢手一言置我老劉

集作劉閑公自注公行軾告詞引董仲舒劉向事便須置酒呼同舍看賜飛龍出帝閑

漢武帝紀太初四年秋起明光宮杜子美十二月一日詩明光起草人所羨事執

誼翰林內志至德以後置學士東院於金鑾殿西隨上所有而遷取其近便李太

白詩承恩初入銀臺門著書獨在金鑾殿晉王珣傳夢人以大筆如椽與之既覺

語人云此當有大手筆事王注劉向劉歆父子俱以文章學術稱又晉書載記石

勒謂徐光曰朕當在二劉之間耳蘅按公自注云云則王注

非唐兵志天子御馬總十有二閑其後禁中又增置飛龍廐

次韻穆父舍人再贈之什此首集本不載今補入是時先生為起居舍人故用唐志所

載起居郎執

筆記錄事

詔語春溫昨夜班屋頭鳴鳩便關關游仙夢覺月臨幌



賀雨詩成雲滿山憐我白頭來仗下看君黃氣發眉間  
鳳池故事同機務火急開樽及尚閑

續漢禮儀志立春之日下寬大詔書唐儀衛志衙凡朝會之仗三衛番上分爲五  
仗一曰供奉仗二曰親仗三曰勳仗四曰翊仗五曰散手仗每月以四十六人立  
內廊閣外號曰內仗以左右金吾將軍當上中郎將一人押之朝罷皇帝步入東  
序門然後放仗又百官志每仗下議政事起居郎一人執筆記錄於前韓退之詩  
看間黃色見歸期相畫喜色紅黃晉荀最傳奪我鳳凰池何賀  
我耶唐百官志中書舍人參議表章百司奏議考課皆預裁焉

再次韻答完夫穆父

公自注三公自言  
先世同任西掖

掖垣老吏

一作史

識郎君並轡天街兩絕塵汗血固應生有

種夜光那復困無因豈知西省深嚴地也著東坡病瘦  
身免使謫仙明月下狂歌對影只三人

劉禎詩誰謂相去遠隔此西掖垣注引應劭漢官儀曰左右曹受尚書事前世文  
士以中書在右因謂中書爲右曹又稱西掖垣李太白月下獨酌詩舉杯邀明月



豈影成  
三人

次韻答滿思復

滿思復字中行元豐末為左司郎中哲宗即位東坡自登州召入為郎禮部旬餘擢起居舍人

中行並命為起居郎又同省而中行為東陽人故有跛牂隨赤驥嘯烏巷有顏之句

自甘茅屋老三閒豈意彤廷綴兩班紙落雲煙供醉後  
詩成珠玉看朝還誰言載酒山無賀記取嘯烏巷有顏  
但恐跛牂隨赤驥青雲飛步不容攀

杜子美和賈至詩朝罷香煙攜滿袖詩成珠玉在揮毫載酒用李白稽山無賀老句注屢見東苑東陽顏烏以純孝著聞父死負土成墳羣烏銜土助之烏口皆傷因名縣曰烏傷圖經云卽今義烏也顏烏秦時人

送戴蒙赴成都玉局觀將老焉

拾遺被酒行歌處野梅官柳西郊路聞道華陽版籍中

上皇應所之何如亦不  
失風調



至今尚有城南杜我欲歸尋萬里橋水花風葉暮瀟瀟  
芋魁徑尺誰能盡榿木三年已足燒百歲風狂定何有  
羨君今作峨睂叟縱未家生執戟郎也應世出埋輪守  
莫欺老病未歸身玉局他年第幾人會待子猷清興發  
還須雪夜去尋君

杜子美西郊詩時出碧鷄坊西郊向草堂市橋官柳細江路野梅香子美至德二  
年拜右拾遺見唐本傳唐地理志成成都府蜀郡華陽縣本蜀縣乾元元年更名王  
子韶鷄跖集韋曲杜鄴近長安諺云城南韋杜去天尺五趙抃成都集記萬里橋  
諸葛孔明於此送吳使張溫曰此水下至揚州萬里因以爲名或云孔明送費禕  
聘吳至此曰萬里之行自此始二說雖殊要之因孔明得名杜子美詩萬里橋西  
一草堂百花潭水即滄浪漢翟方進傳童謠曰飯我豆食羹芋魁賁傳卓氏遷  
之蜀曰吾聞岷山之下沃野下有踐蹕至死不飢顏師古注蹕謂芋也蜀本記  
蜀人以榿木爲薪種之三年可燒杜子美詩飽聞榿木三年大斲退之詩男兒不  
再壯百歲如風狂漢揚雄傳揚雄字子雲蜀郡成都人也又雄待詔歲餘奏羽獵  
賦除爲郎後漢張綱傳安元年遷還八使循行風俗綱獨埋其車輪於洛陽都



亭曰豺狼當路安問狐狸遂條奏大將軍冀十五事京師震悚按雄與綱俱蜀人詩故云北斗經地神湧出扶一玉局而作高座成都集記永壽元年老君駕龍車張道陵乘白鶴同至太皞王女修大丹之所感地神湧出句脚玉牀老君升座說北斗經開元中道士羅上清奏重修殿宇本名玉局治遊高宗諱改爲玉局化國朝爲玉局觀置提舉主管官

### 送陳睦知潭州

陳睦字和叔嘉祐六年第進士初和叔爲兩浙提刑嘗駁勘裴氏婢夏沈香獄差秀州倅張若

濟重勘夏沈香遂坐死杜陳戚三掾亦得衝替語在第七卷公時卒杭賦詩送之云殺人無驗中不快此恨終身恐難了蓋指和叔若濟云茲送和叔所述者止少時登臨相從而已並無一語及其人則不與之意可見

華清縹眇浮高棟上有纈林藏石壑一杯此地初識君  
千巖夜上同飛鞚君時年少面如玉一飲百觚嫌未痛  
白鹿泉頭山月出寒光潑眼如流汞朝元閣上酒醒時  
臥聽風鸞鳴鐵鳳舊游空在人何處二十三年眞一夢



我得生還雪髯滿君亦老嫌金帶重有如社燕與秋鴻  
 相逢未穩還相送洞庭青草渺無際天柱紫蓋森欲動  
 湖南萬古一長嗟付與騷人發嘲弄

唐地理志京兆府昭應縣注有宮在驪山下正觀十八年置咸亨二年始名溫泉  
 宮天寶六載更曰華清宮杜牧之華清宮辭神仙高標眇白樂天詩黃夾纈林寒  
 有葉亂岵嶇津陽門詩注云津陽門在華清宮之外闕石鑿寺崑下有天然石形如  
 甕以貯飛泉寺僧於上層飛樓中懸轆轤斜引修綆泉出於紅樓喬木之杪互見  
 十九卷注又朝元閣南即老君見處述征記長安東則驪山西則白鹿原而驪山  
 中又有白鹿觀云陸匪石闕銘蒼龍玄武之制銅雀鐵鳳之工薛綜西京賦注圓  
 闕上作鐵鳳皇令張兩翼舉頭敷尾故老杜贊公房詩白鐵鳳森翺翔又贈崔評  
 事詩曰陰沈鐵鳳闕杜和公詩老嫌金帶重再見杜子美詩洞庭猶在目青草續  
 為名注青草湖與洞庭湖相連在岳州衡山記天柱峯高四千二百尺夏禹理水  
 刻石峯上紫蓋峯多隱雲表常有白鶴仙童飛翔其側杜子美詩湖南清絕地萬  
 古一長嗟

用前韻答西掖諸公見和



此兩句却說得極  
未此種掩以筆力  
勝已往恆勝矣

雙猊蟠礎龍纏棟金井輓轡鳴曉甕一作玉小殿垂簾碧

鉤大苑立仗青絲鞚風馭賓天雲雨隔孤臣忍淚肝腸

痛羨君意氣風生座落筆縱橫盤走永上樽日日瀉黃

封賜茗時時開小鳳閉門憐我老太玄給札看君賦雲

夢金奏不知江海眩木瓜屢費瓊瑤重豈惟蹇步困追

攀已覺侍史疲奔送春還宮柳腰支活雨一作水入御溝鱗

甲動借君妙語發春容顧我風琴不成弄

梅聖俞和人早朝詩耽耽玉宇龍纏棟藹藹金爐獸齧環李賀詩輓轡伊啞轉鳴  
玉戴延之西征記洛陽太極殿有金井欄金博山輓轡蛟龍負山於井上漢張騫  
傳大宛有善馬唐顏真卿傳太宗置立仗馬二有急奏須乘者聽漢翟方進傳賜  
上尊酒黃封內庫官法酒也歐陽公龍茶錄後序茶之爲物至精而小團又其精  
者仁宗南郊致齋之夕中書密院各四人共賜一餅宮人剪金爲龍鳳貼其上兩  
府入家分割以歸嘉祐七年明堂始人賜一餅茶經云茗茶之晚取者集韻亦云



史主記君所與客語杜子美漫興詩隔戶楊柳弱嫋嫋恰似十五女兒腰潘閬風琴詩到底不能成一曲

次韻王觀正言喜雪

王觀字明叟泰州如臯人第進士元祐初呂正獻范忠宣薦其可大任擢右正

言進司諫極言當位者姦邪害正使一二元老不得行其志章數十上公論雖之公時為右史故云我方執筆待君猶伏閣爭云云

聖人與天通有詔寬獄市好語夜喧街濕雲朝覆砌紛

然退朝後色映宮槐媚欲誇剪刻工故上朱藍袂我方

執筆待

一作侍

未敢書上瑞君猶伏閣爭高論亦少慰霏霏

止還作盎盎風與氣神龍久潛伏一怒勢必倍行當見

三白拜舞謹萬歲歸來飲君家酣詠追既醉

漢曹參傳以齊獄市為寄慎勿擾也韓退之李花詩誰將平地千堆雪剪刻作此連天花吳奎陽事詩天公寧底巧剪水作飛花宋晝大明五年正月朔賀雪落太

少筆此篇時多憂  
村局所收書未定



辛義恭衣有六出奏以為瑞上說李郢雪霽登樓詩城樓飛雪定猶看羽衣注  
云謝莊朝迴衣為飄雪印點時人既之為風韻見宋書符瑞志舊唐書陽城為豫  
議大夫伏閣上疏杜牧李賀詩集序春之盜盜不足為其和也漢武帝紀元封元  
年詔曰翌日親登嵩高御史乘屬在廟旁吏卒咸聞呼萬歲者三毛詩既醉太平  
也醉酒飽德人有  
士君子之行焉

和蔣發運之奇字穎叔宜興人

夜語飏千偈書來又一言此身真佛祖何處不義軒船  
穩江吹坐樓空月入樽遙知思我處醉墨在頽垣

送表弟程六知楚州公母成國太夫人程氏魯山著姓其姪之才字正輔第二之元字德孺第六即

楚州也之邵字懿叔第七

炯炯明珠照雙璧當年三老蘇程石里人下道避鳩杖  
刺史迎門倒烏舄我時與子皆兒童狂走從人覓梨栗

層冰井底有物之相  
生之矣



游四起為作律  
法之承

健如黃犢不可恃隙過白駒那暇惜醴泉寺古垂橘柚  
石頭山高暗松櫟諸孫相逢萬里外一笑未解千憂集  
子方得郡古山陽老手生風謝刀筆我正含毫紫微閣  
病眼昏花困書檄莫教印綬繫餘年去掃墳墓當有日  
功成頭白早歸來共藉梨花作寒食

後漢禮儀志仲秋之月縣道案戶比民年七十者授以玉杖杖端以鳩鳥為飾鳩  
不噉之鳥也欲老人不噉杜子美百憂集行憶昔十五心尚孩健如黃犢走復來  
庭前八月梨葉熟一日上樹能千回唐地里志楚州本江都郡之山陽地漢趙廣  
漢傳見事風生蕭何傳起秦刀筆吏顏師古曰刀所以削書也古者用簡牒故更  
皆以刀筆自隨唐百官志開元元年改中書省為紫微按公時為中書舍人爾雅  
書記曰書說文檄二尺書也釋名檄激也下官激迎其上之書文也漢嚴延年傳  
行矣去女東歸  
掃除墳墓耳

和人假山



上黨攬天碧玉環絕河千里抱商顏試觀煙雨三峰外  
都在靈仙一掌間造物何如童子戲寫真聊發使君閑  
何當挈取西征去畫作圍牀六曲山

漢溝洫志引洛水至商顏下顏師古曰商顏商山之顏也楊敬之華山賦天雨初霽三峯相差張平子西京賦巨靈高掌厥跡猶存山志華山首陽山黃河流於二山間相傳此本一山當河河水過而曲行河神巨靈以手擘開其上以足蹈離其下以通流今華山有手跡仙掌峰是也法華經乃至童子戲聚沙爲佛塔李賀屏風曲抱膏蘭

送王伯敷守虢

王伯敷名廷老

華山東麓秦遺民當時依山來避秦至今風俗含古意  
柔桑淥水招行人行人掉臂不回首爭入崤函土囊口  
惟有使君千里來欲飲三堂無事酒三堂本來一事無



日長睡起聞投壺牀頭硯石開雲月澗底松根斲雪腴  
山棚盜散人安寢勸買耕牛發陳廩歸來只作水衡卿  
我欲攜壺就君飲

楊文公談苑華山南有川廣袤數百里連山洞壑不知其極人有登蓮華峰絕頂  
俯瞰人煙舍屋相望四時常有花木疑靈仙之窟宅又云秦人避難者居此其裔  
也史記孟嘗君傳馮驩曰君獨不見夫朝趨市者乎明旦側肩爭門而入日暮之  
後過市朝者掉臂而不顧又秦本紀孝公據崤函之固擁雍州之地宋玉風賦起  
於青蘋之末盛怒於土囊之口唐文粹呂溫號州三堂記云開元初天子思二南  
之風並選宗英共持理柄號大而近匪親不居時惟五王出入相授承平易理逸  
政多暇考卜惟勝作為三堂三者明臣子在三之節堂者勵宗室克構之義韓退  
之和號州劉使君三堂新題詩序云號州刺史宅連水池竹林往往為亭臺島渚  
目其處為三堂劉兄出刺此州職修人治州中稱無事頗復增飾從子弟而游其  
間米芾硯史號石可為硯又有茯苓舊唐書憲宗紀李師道與嵩山僧圓淨謀反  
呂元膺圍之賊入嵩岳山棚盡擒之亦見通鑑漢循吏傳龔遂為渤海太守民有  
帶持刀劍者使賣劍買牛賣力買犢又秋冬課收斂益畜果實麥茨郡中皆有畜  
積吏民皆富實數年上徵  
遂以年老拜為水衡都尉



道者院池上作

下馬逢佳客攜壺傍小池清風亂荷葉細雨出魚兒并  
好能冰齒茶甘不上看歸塗更蕭瑟真箇解催詩

杜子美水檻遣心詩細雨魚兒出微風燕子斜又詩歸路翻蕭  
颯陂塘五月秋又丈入溝納涼詩片雲頭上黑應是雨催詩

次韻子由送千之姪

江上松楠深復深滿山風雨作龍吟年來老幹都生菌  
下有孫枝欲出林白髮未成歸隱計青山儻有濟時心  
閉門試草三千牘仄席求人少似今

前字以五字相承作以  
神於五神於五字於此  
神於五神於五字於此

柳子厚與蕭俛書朽枿敗腐猶足蒸出芝蘭嵇康琴賦乃斲孫枝準量所任史記  
滑稽傳東方朔初入長安至公車上書凡用三千牘後漢章帝紀建初五年詔曰  
朕思遲直士仄席聞羊叔子  
議兩府表側席求賢不遺幽賤



書文與可墨竹

并引

亡友文與可有四絕詩一楚辭二草書三畫四與  
可嘗云世無知我者惟子瞻一見識吾妙處既沒  
七年覩其遺跡而作是詩

筆與子皆逝詩今誰爲新空遺運斤質卻弔斷絃人  
次韻錢舍人病起

牀下龜寒且耐支杯中蛇去未應衰殿門明日逢王傅  
櫺具爭先看不疑坐覺香煙攜袖少獨愁花影上廊遲  
何妨一笑千疴散絕勝舍公飲上池

龜支牀出史記龜策傳杯蛇出書書樂廣傳竝已見史記曰者傳宋忠賈道聞司  
馬季主言伏賦低頭卒不能出氣居三日宋忠見賈誼於殿門外乃相引屏語相



謂自漢云云誼爲梁王傳漢雋不疑傳暴勝之爲直指使者不疑冠進賢冠帶櫛  
具劍上謁應劭曰櫛具木標首之劍櫛落大壯也晉灼曰古長劍首以玉作輓輓  
形刻木作山形如蓮花未敷時今大劍木首其狀似此櫛音磊莊子達生篇桓公  
田於澤見鬼焉公反諉詒爲病齊士有皇子告敖者曰公則自傷鬼惡能傷公云  
云桓公赧然笑曰此寡人之所見也於是正衣冠興之坐不終日而不知病之去  
也史記扁鵲傳少時過長桑君出其懷中藥予扁鵲曰飲是以上池之水三十日  
當知物矣按倉公淳于意也  
飲上池乃扁鵲事公詩偶誤

### 次韻和王鞏

謫仙竄夜郎子美耕東屯造物豈不惜要令工語言王  
郎年少日文如餅水翻爭鋒雖剽甚聞鼓或驚奔天欲  
成就之使觸羝羊藩孤光照微陋耿如月在盆歸來千  
首詩傾瀉五石樽卻疑彭澤在頗覺蘇州煩君看騶忌  
子廉折配春溫知音必無人壞壁挂桐孫



唐李白傳賀知章曰子謫仙人也後以從永王璘辟長流夜郎杜子美移居東屯詩淹留爲稻畦又東屯稻畦二百頃漢張良傳楚人剽疾願上慎毋與楚爭鋒周易羝羊觸藩不能遂不能退無攸利史記騶忌子以鼓琴見威王曰大絃獨以春溫者君也小絃廉折以清者相也再見李善注文選周禮注云孫枝竹枝之未生者桐孫亦然李賀詩嶧陽老樹非桐孫風俗通梧桐生於嶧陽山採東南孫枝爲琴聲甚清雅

用王鞏韻送其姪震知蔡州

王震字子發文正公曾孫子發時爲給事中故云夕郎

九門插天開萬馬先朝屯舉鞭紅塵中相見不得言夜走清虛宿扣門驚鵲翻君家汾陽家永巷車雷奔夕郎方不夕列戟以自藩相逢開月閣畫簷低金盆至今夢中語猶舉燈前尊阿戎修玉牒未憚筆削煩君歸助獻納坐繼岑與溫我客二子間不復尋諸孫

公自注云美詩云權門多噍噍且復

尋諸

絲



長安志郭汾陽宅在親仁里居其里四分之一中通永志子孫甚衆杜牧阿房宮賦雷霆乍驚宮車過也漢故事黃門郎每日暮入對青瑣門拜故謂之夕郎郎今之給事中也金盆用杜詩語屢見晉王戎傳阮籍謂王渾曰與卿語不如共阿戎談王注岑則本文本與其兄子長倩溫則溫大雅與其弟彥博也文本爲中書舍人侍郎令而兄子長倩爲兵部侍郎同中書門下平章事大雅爲黃門侍郎而彥博爲中書舍人侍郎令

### 號國夫人夜游圖

此句得法宮物于石  
衣子錦衣千方一撇  
概口直以在紙作收而後  
去唱嘆者神此乃詩人  
之云思手通者之字

佳人自輕玉花驄  
翩如驚燕踏飛龍  
金鞭爭道寶釵落  
何人先入明光宮  
宮中羯鼓催花柳  
玉奴絃索花奴手  
坐中八姨真貴人  
走馬來看不動塵  
明眸皓齒誰復見  
只有丹青餘淚痕  
人間俯仰成今古  
吳公臺下雷塘路  
當時亦笑張麗華  
不知門外韓擒虎

唐史正月望夜楊家五宅夜游與廣平公主爭西市門楊氏怒鞭及公主衣公主墮馬羯鼓注再見玉奴已見十九卷楊妃外傳妃善琵琶諸王貴主泊號國已下



並爲弟子每授曲畢皆廣有進獻汝陽王名璉小名花奴尤善羯鼓帝嘗謂侍官曰名花奴將羯鼓來爲我解穢又八姨封號國夫人不施粧自有美麗常素面朝天杜子美詩號國夫人承主恩平明騎馬入宮門卻嫌脂粉澆顏色淡掃蛾眉朝至尊又詩明眸皓齒今何在血汗游魂歸不得地志揚州吳公臺以陳將吳明徹得名在江都縣西雷塘在縣東北十里煬帝初葬吳公臺下唐平江南改葬雷塘大業拾遺帝昏溺深嘗行吳公臺下恍惚與陳後主遇後主云每憶張麗華方憑臨春閣作壁月詞未終見韓擒虎躍領萬騎直來衝入便至今日始謂殿下攻治在堯舜之上今日還此逸游曩時何見罪之深也帝叱之不復有所睹杜牧詩門外韓擒虎樓頭張麗華

用舊韻送魯元翰知洛州

我在東坡下躬耕三畝園君爲尚書郎坐擁百吏繁鳴蛙與鼓吹等是俗物喧永謝十年舊老死三家村惟君綈袍信到我雀羅門緬懷故人意欲使薄夫敦新年到宣室白首代堯言相逢問前輩所見多後一作從昆道館雖



云樂冷卿當復溫還持刺史節卻駕朱輪軒黃髮方用  
事白鬢宜少存嗣聖真生知拯民如救燔初囚羽淵魄  
盡返湘江魂坐憂東郡決老守思王尊北流桑柘沒故  
道塵埃翻知君一寸心可敵千步垣流亡自栖止老幼  
忘崩犇得閑閑閣坐勿使道眼渾聊乘應捨筏直泝無  
生源歸來成二老夜榻當重論

因話錄祠部謂之冰廳以其冷也王注世傳京師謂光祿爲飽卿衛尉爲煖卿鴻臚爲睡卿司農爲走卿宗正爲冷卿左傳堯殛鯀於羽山其神化爲黃熊以入於羽淵王注時哲宗初登極太母垂簾悉罷新法而元豐末年用事宰執皆斥逐當時議新法不合被竄謫者皆召還錄用金剛經如來常說汝等比丘知我說法如筏喻者法尚應捨何況非法

### 次韻朱光庭初夏



朝罷人人識鄭崇直聲如在履聲中臥聞疎響梧桐雨  
獨詠微涼殿閣風諫苑君方續承業醉鄉我欲訪無功  
陶然一枕誰呼覺牛蟻初除病後聰

漢書鄭崇傳字子游哀帝擢爲尚書僕射數諫爭上初納用之每見  
曳革履上笑曰我識鄭尚書履聲南史李承業集古今章疏作諫苑

次韻朱光庭喜雨

久苦趙盾日欣逢傳說霖坐知千里足初覺兩河深破  
屋常持傘無薪欲爨琴清詩似庭燎雖美未忘箴

左傳文七年趙衰冬日之日也趙盾夏日之日也書說命  
若歲大旱用汝作霖雨詩小雅庭燎美宣王也因以箴之

奉敕祭西太一和韓川韻四首

東軒筆錄太一宮舊在  
京城西蘇軾謂之西太

一熙寧初詔作宮於京城



聖主新除秘祝侍臣來乞豐年壽宮神君欲至半夜靈風肅然

漢文紀十三年詔曰蓋聞禍自怨起而福由德興今秘祝之官移過於下以彰吾之不德朕甚不取其除之漢郊祀志武帝置壽宮神君神君最貴者太一其佐曰大禁司命之屬皆從之非可得見聞其言言與人音等時去時來來則風肅然也三輔黃圖壽宮北宮有神仙居壽宮張羽旗設供具以禮神明若神明來則肅然風生帷帳皆動

玉璽親題御筆金童來侍天香禮罷祝融參乘前驅已

過衡湘

司馬相如大人賦祝融警而蹕御兮清氣氛而後行

解劍獨行殘月披衣困臥清風夢蝶猶飛旅枕粥魚已

響枯桐



陂水初含曉淥稻花半作秋香皂蓋卻迎朝日紅雲正  
繞宮牆

西太一見王荊公舊詩偶次其韻二首

王荊公詩  
云柳葉鳴

蜩綠暗荷花落日紅酣三十六陂春水白頭相見江南二十年前  
此地父兄持我東西今日重來白首欲尋舊迹都迷先生見此兩  
絕注目久之曰此老野狐精也遂和之後魯直亦和四首

秋早川源淨麗雨餘風日清酣從此歸耕劍外何人送  
我池南

杜詩草木變衰行劍  
外池南蓋歸蜀之路

但有樽中若下何須墓上征西聞道烏衣巷口而今烟  
草萋迷



吳興記上若下若村並出美酒再見魏武紀注載公十二月己亥令云云後徵爲都尉及遷爲典軍校尉意遂更欲爲國家討賊立功欲望封侯作征西將軍然後題墓道言漢故征西將軍曹侯之墓此其志也  
烏衣巷在金陵荆公居金陵是時已薨故云

施註蘇詩卷之二十四



方言音義卷之三

四



施註蘇詩卷之二十五

漫堂先生宋 肇

長洲顧嗣立

樸園先生張榕端

閱定

毗陵邵長蘅 刪補

商丘宋 至

詩四十九首

時在翰林作

次韻子由送陳侗知陝州

誰能如鐵牛橫身負黃河滔天不能沒尺篲未易訶世  
俗自無常徐公故逶迤別來不可說事與浮雲多當時  
無限人毀譽卽墨阿虛聲了無實夜蟲鳴機梭相逢一  
笑外奈此白髮何天驥皆籟雲長鳴飽芻禾王庭旅百



實大貝隨弓戈君獨一麾去欲賡五袴歌甘棠古樂國  
白酒金叵羅知君不久畱治行中新科過客足瞋喜東  
堂記分鵝此外但坐嘯後生工揣摩

徐公徐邈也三國虛欽言世人無常而徐公有常云云詳見十九卷太守徐君猷  
詩注史記齊威王召卽墨大夫而語之曰自子之居卽墨也毀言日至然吾使人  
視卽墨田野闢人民給官無聞事東方以寧是子不事吾左右以求譽也封之萬  
家召阿大夫語曰自子之在阿譽言日聞然吾使人視阿田野不闢民愁苦昔日  
趙攻甄子弗能救衛取薛陵子弗知是子以幣厚吾左右以求譽也是日烹之左  
傳莊二十二年庭實旅百天地之美具焉書亂之舞衣大貝叢鼓在西房兒之戈  
和之弓垂之竹矢在東房顏延年五君詠屢薦不入官一麾乃出守五袴後漢廉  
范事注已見甘棠陝州事今驛名尚謂之甘棠館晉劉毅傳初江州刺史庾悅隆  
安中爲司徒長史至京口毅時甚屯竇先就府借東堂與親故出射而悅後與僚  
佐徑來詣堂毅告之曰毅屯否之人合一射甚難君於諸堂並可望以今日見讓  
悅不許旣而悅食鵝毅求其餘悅又不答毅銜之義熙  
之政奪悅豫章解其軍府使人微示其旨悅恐懼而死

送賈訥倅肩一首



當年入蜀歎空回未見峨眉眉眉再來童子遙知頌襦袴

使君先已洗樽壘

公自注季大夫眉之賢守也

鹿頭北望應逢鴈人日東

郊尚有梅

公自注人日出東郊渡江游墓頭山眉之故事也

我老不堪歌樂職後生試

覓子淵才

杜子美鹿頭山詩鹿頭何亭亭樂職用王褒事褒字子淵注屢見

老翁山下玉淵回手植青松三萬栽父老得書知我在

蓬蒿親手為君開試看一一龍蛇舞更聽蕭蕭風雨哀

便與甘棠同不剪蒼髯白甲待歸來

公自注先君葬于墓頭山之東二十餘里地名老翁

泉君許為一往感歎之深故及之

送程建用

程建用字彝仲眉山人



先生本舌耕文字浩千頃空倉付公子坐待發苕穎十  
年困新說兒女爭捕影鑿垣種蒿蓬嘉穀誰復省空餘  
南陔意太息北堂冷織屨隨方進採薪教韋逞辛勤守  
一經菽水賢五鼎今年聞起廢魯史復光景公子亦改  
官三就繁馬頸歸來一笑粲素髮颯垂領會看金花詔  
湯沐奉朝請天公不吾欺壽與龜鶴永

郭憲洞冥記賈逵口授經傳致粟盈倉人謂之舌耕拾遺記亦云新說謂王安石  
三經新義漢郊祀志谷永說上曰姦人挾左道以欺罔人主聽其言若將可遇求  
之盪盪如係風捕影終不可得莊子庚桑楚是其於辯也將妄鑿垣牆而植蒿蓬  
也毛詩南陔孝子相戒以養也詩國風焉得諼草言樹之背注云背北堂也季太  
白贈楚司空詩北堂千萬壽奉侍有光輝晉翟方進傳毋憐其幼隨之長安織屨  
以給再見晉列女傳韋逞母宋氏晝則採薪夜則教逞禮記啜菽飲水盡其歡斯  
之謂孝史記太史公自序春秋補敝起廢王道之大者魯史復光景謂元祐初詔  
復春秋周禮王洛陽樊嬰十有再就鄭司農云喪禮下篇曰馬纓三就禮家說曰



髮颯以垂領束敏求春明退朝錄官告之制夫人金花羅紙七張公羊傳湯沐之邑漢齊悼惠王傳以一郡上太后爲公主湯沐邑顏師古注高紀曰以其稅賦供湯沐之具晉職官志奉朝請本不爲官無員漢東京罷三公外戚宗室諸侯多奉朝請奉朝請者奉朝會請召而已白樂天雨中花詩松枝上鶴著下龜千年不死仍無病

次韻李修孺留別二首

十年流落敢言歸魚鳥江湖只自知豈意青天掃雲霧盡呼黃髮寄安危風流吾子真前輩人物他年記一時我欲折繻畱此老緇衣誰作好賢詩

晉樂廣傳衛瓘見廣而奇之曰此人之水鏡見之瑩然若披雲霧而睹青天尚書尚猶詢咎黃髮則罔所忽唐郭子儀傳以身爲天下安危者二十年禮記好賢如緇衣惡惡如巷伯

此生別袖幾回麾夢裏黃州空自疑何處青山不堪老

彭程特多恆跋



當年明月巧相隨窮通等是思家意衰病難堪送客悲  
好去江魚煮江水劍南歸路有姜詩

後漢列女傳廣漢姜詩事母至孝母好飲江水嗜魚鱸夫婦力作俱鱸舍側忽有泉湧味如江水每旦輒出雙鯉以供膳

次韻黃魯直赤目

誦詩得非子夏學紬史正作丘明書天公戲人亦薄相  
畧遣幻翳生明珠賴君年來屏鮮腴百年燈光同一如  
書成自寫蠅頭表端就君王覓鏡湖

史記子夏子死哭之失明漢司馬遷傳爲太史令紬史記石室金匱之書又報任安書云左丘失明厥有國語

和周正孺墜馬傷手

周正孺名尹成都人

平生學道已神完豈復兒童私自憐醉墜何曾傷內守



色憂當爲念先傳書空漸覺新詩健把蟹行看樂事全  
賣卻老驄爲酒直大呼鄉友作新年

莊子達生篇醉者之墜車雖疾不死其神全也再見禮記世子色憂不滿容又樂  
正子春下堂而傷足數月不出猶有憂色曰父母全而生之子全而歸之可謂孝  
矣今子忘孝道是以有憂色書空殷  
浩事把蟹使畢卓持螯事注並再見

### 戲周正孺二絕

折臂三公未可知會當千鎰訪權奇勸君鬻駱猶閑事

腸斷閨中楊柳枝

晉羊祜傳善相墓者言祜祖墓有帝王氣祜鑿之相者曰猶出折臂三公祜竟墜  
馬折臂位至公太公六韜商王拘周伯昌于羗里太公以金千鎰求天下珍物以  
免君之罪于是得犬戎氏文馬名雞斯之乘以獻商王漢禮樂志天馬  
歌志倣儻精權奇駱馬楊枝用白樂天事互見十二卷及二十卷詩註

天廐新放王鼻驂故人共敵亦常情相如雖老猶能賦



換馬還應繼二生

換馬用愛妾換馬事詳見二十一  
卷張近幾仲龍尾子石硯詩注

題文與可墨竹

并引

故人文與可爲道師王執中作墨竹且謂執中勿  
使他人書字待蘇子瞻來令作詩其側與可旣沒  
八年而軾始還朝見之乃賦一首

斯人定何人游戲得自在詩鳴草聖餘兼入竹三昧時  
時出木石荒怪軼象外舉世知珍之賞會獨余最知音  
古難合奄忽不少待誰云生死隔相見如龔隗

楚詞遠游吾將從王喬而游戲法書紀懷素自言得草書三昧法華經佛入于無  
量義處三昧疏云梵語三昧此云正受晉書王羲之傳云臨終版授其妻曰

此竟爲怪字打眼者  
五字有神焉於古人  
筆墨



吾亡後五年有詔使來如蜀山人負吾金卽以此版責之期日果有龔使者止亭中妻遂齋版往責之使者惘然不知所以良久乃命取著筮之卦成嘆曰妙哉隗生于是告照妻曰吾不負金賢夫自有金知吾善易故書版以奇意耳金有五百斤盛以青縑覆以銅梓埋在堂屋東頭還掘之皆如卜

### 潘推官母李氏挽辭

南浦淒涼老逐臣東坡還往盡幽人杯杓

一作盤

慣作陶家

客絃誦嘗叨孟母鄰尚有升堂他日約豈知負土一阡  
新今年我欲江湖去暮雨連山宰樹春

楚詞九歌送美人兮南浦江文通別賦送君南浦傷如之何列女傳孟軻之母號孟母三徙乃舍學宮之旁戲嬉設俎豆揖讓進退孟母曰此真可以居矣君子謂孟母善以漸化陶家用侃母事升堂用范張事並再見

### 玉堂栽花周正孺有詩次韻

故山桃李半荒榛麤報君恩便乞身竹簟暑風招我老



玉堂花藥爲誰春  
纖纖翠蔓詩催發  
皎皎霜葩髮鬪新  
只有水禽青李帖  
他年畱與學書人

歐陽公內制集序涼竹簾之暑風曝茅簷之冬日晉王逸少有來禽青李帖再見

杜介送魚

新年已賜黃封酒  
舊老仍分鱸尾魚  
陋巷關門負朝日  
小園除雪得春蔬  
病妻起斫銀絲鱠  
稚子謹尋尺素書  
醉眼朦朧覓歸路  
松江煙雨晚疎疎

送杜介歸揚州

再入都門萬事空  
閑看清洛漾東風  
當年帷幄幾人在  
回首觚稜一夢中  
採藥會須逢薊子  
問禪何處識龐翁



歸來鄰里應迎笑新長淮南舊桂叢

班孟堅西都賦設壁門之鳳闕上觚稜而懷金爵注觚稜闕角也後漢劉子訓傳有百歲翁自說爲兒時見子訓賣藥於會稽市顏色不異今日傳燈錄江湖緇白謂禪門龐居士卽毗耶淨名楚詞招隱士淮南小山之作也其辭云桂樹叢生兮山之幽偃蹇連卷兮枝相繚

狄詠石屏

狄詠樞密使武襄公書之子與先生同館伴遼使

霏霏點輕素眇眇開重陰風花亂紫翠雪外有煙林雪近勢方壯林遠意殊深會有無事人支頤識此心

和黃魯直燒香二首

四句燒香偈子隨香遍滿東南不是聞思所及且令鼻

觀先參

華嚴經觀世音菩薩聞思修入三摩地楞嚴經孫陀羅難陀白佛言世尊教我及拘絺羅觀鼻端白我初諦觀經三七日見鼻中氣出入如煙煙相漸消鼻息成白



萬卷明窓小字眼花只有爛斑一炷煙消火冷半生身  
老心閑

再和

公自注來詩言飲酒畫竹石草書

置酒未逢休沐便同越北燕南且復歌呼相和隔牆知  
是曹參

丹青已自前世竹石時窺一斑五字還當靖節數行誰  
似高閑

王維詩當代謬詞客前身應畫師韓退之  
高閑上人序今閑之於草書有旭之心哉

武昌西山

并引 鄧潤甫字溫伯建昌人宣仁簾聽以字行改字  
聖求紹聖間始復名哲宗親政溫伯首開紹述遂基宗

社之祠拜尚書左

丞呂公著



年久健

嘉祐中翰林學士承旨鄧公聖求爲武昌令常游  
寒溪西山山中人至今能言之軾謫居黃岡與武  
昌相望亦常往來谿山間元祐元年十一月二十  
九日考試館職與聖求會宿玉堂偶話舊事聖求  
嘗作元次山窪樽銘刻之巖石因爲此詩請聖求  
同賦當以遺邑人使刻之銘側

春江淥漲蒲萄醅武昌官柳知誰栽憶從樊口載春酒  
步上西山尋野梅西山一上十五里風駕兩腋飛崔嵬  
同游困臥九曲嶺褰衣獨到吳王臺中原北望在何許  
但見落日低黃埃歸來解劍亭前路蒼崖半入雲濤堆



浪翁醉處今尚在石臼杯

一作杯音薄侯切

飲無樽罍爾來古意

誰復嗣公有妙語畱山隈至今好事除草棘常恐野火  
燒蒼苔當時相望不可見玉堂正對金鑾開豈知白首  
同夜直臥看椽燭高花摧江邊曉夢忽驚斷銅鑲玉鎖  
鳴春雷山人帳空猿鶴怨江湖水生鴻鴈來請公作詩  
寄父老往和萬壑松風哀

晉陶侃傳鎮武昌課諸營種柳都尉夏施盜官柳植之於門侃後見駐車問曰此是武昌西門柳何因盜來此種施惶怖謝罪解劍亭在武昌先生嘗云子胥渡江處也唐元結傳字次山後家襄濱乃自稱浪士元次山集有宸樽銘云片石何壯如獸之跋其背頤窠可以爲鑄又杯鑄銘云誰能杯飲共守淳朴唐史宣宗以金蓮燭送令狐綯歸翰林院蓋椽燭而以金蓮花承之杜子美詩鴻鴈幾時到江湖秋水多

再用前韻



名不虛傳  
芳時既  
之至物  
呈極生  
節

朱顏發過如春醅  
胃中梨棗初未栽  
丹砂未易掃白髮  
赤松卻欲參黃梅  
寒溪本自遠公社  
白蓮翠竹依崔嵬  
當時石泉照金像  
神光夜發如五臺  
飲泉鑒面得真意  
坐視萬物皆浮埃  
欲收暮景返田里  
遠沂江水窮離堆  
還朝豈獨羞老病  
自嘆才盡傾空罍  
諸公渠渠若夏屋  
吞吐風月清隅隈  
我如廢井久不食  
古甃缺落生陰苔  
數詩往復相感發  
汲新除舊寒光開  
遙知二月春江闊  
雪浪倒卷雲峰摧  
石中無聲水亦靜  
云何解轉空山雷  
公自注韋應物詩云水性本云靜石中固無聲如何兩相激雷轉空山驚  
欲就諸公評此語  
要識憂喜何從來  
願求南宗一勺水  
往與屈賈湔餘哀



真誥火棗交梨之樹已生君心中再見漢張良傳注赤松子仙人號也再見傳燈錄弘忍大師者蘄州黃梅人廬山記遠公與十八賢同修淨土號白蓮社陳舜俞廬山記晉陶侃爲廣州刺史海濱漁人常見夜有光艷網之得金文殊菩薩像後商人於東海亦獲圓光持以就像若彌縫焉侃以送武昌寒溪寺侃移督江州迎以自隨復爲風濤所溺遠公掘寺乃禱於水上其像復出會昌毀寺二僧藏之錦繡谷其後寺復訪之不獲至今峯頂佛手巖天池有見光相者海東文殊傳五臺卽五方如來之座也華嚴經疏清涼山者鴈門郡五臺山也劉禹錫送僧詩釋子道成神氣閑住持曾上清涼山晴空禮拜見真像金毛五髻卿雲間漢溝洫志蜀守李冰鑿離堆避沫水之害穿二江成都中南史江淹傳爾後爲詩絕無美句時人謂之才盡毛詩於我乎夏屋渠渠周易井渫不食舊井無禽孟浩然詩一日不讀書心荒如廢井傳燈錄僧問雲門如何是曹溪一滴水按禪宗自中華五祖之下曹谿六祖爲南宗神秀大師爲北宗史記屈原傳自原沉汨羅後百有餘年矣漢有賈誼爲長沙太傅過湘水投書以弔之

送楊孟容

墨跡刻石成都府治題云送楊體先知廣安軍

我家峨眉陰與子同一邦相望六十里共飲玻璃江江山不違人遍滿千家牕但苦牕中人寸心不自降子歸



治小國洪鐘噓微撞我畱侍玉座弱步欹豐扛後生多  
高才名與黃童雙不冝入州府故人餘老龐殷勤與問  
訊愛惜霜眉龐何以待我歸寒醅發春缸

漢項籍傳力扛鼎顏師古曰扛舉也說文兩人對舉曰扛杜子美遺興詩晉者龐德公未曾入州府

見子由與孔常父唱和詩輒次其韻余昔在館  
中同舍出入輒相聚飲酒賦詩近歲不復講故  
終篇及之庶幾諸公稍復其舊亦太平盛事也  
君先魯東家門戶照千古文章固應爾須鬣餘似處雖  
非蒙俱狀尚肖歷國苦誦書口瀾翻布穀雜杜宇十年  
困奔走櫛沐飽風雨吾道其非邪野處豈兕虎霸陵閑



老將柏直口尚乳自君兄弟還鼎立知有補蓬山耆舊  
散故事誰刪去來迎馮翊傳出餞會稽組吾猶及前輩  
詩酒盛冊府願君倡此風揚觴斯杜舉

孔子家語魯人不識孔子聖人乃曰彼東家丘吾知之矣荀子非相篇仲尼之狀  
面如蒙俱後漢馮衍傳詞如循環口如布穀莊子天下篇禹堙洪水沐甚雨櫛疾  
風史記孔子世家楚使人聘孔子陳蔡大夫發徒役圍孔子於野不得行孔子召  
子路而問曰詩云匪兕匪虎率彼曠野吾道非邪吾何為於此霸陵用李廣事屢  
見漢高祖紀漢王問酈食其魏大將誰也曰柏直王曰是口尚乳臭不能當韓信  
後漢竇章傳學者稱東觀為老氏藏室道家蓬萊山漢朱買臣傳買臣衣故衣懷  
其印綬步歸郡邸有頃長安廐吏乘駟馬車來迎買臣遂乘傳去穆天子傳羣玉  
之山先王所謂冊府注云先王以為藏書冊之府禮記至于今既畢獻斯場觴謂  
之杜舉

趙令晏崔白大圖幅徑三丈

圖經見聞志崔白濠梁人  
工畫花竹毛熙寧初命

與艾宣畫垂拱殿御宸  
竹鶴各一扇白為首出



扶桑大蠶妃蠶蓋天女織綃雲漢上往來不遣鳳銜梭  
誰能鼓臂投三丈人間乃尺不敢裁丹青付與濠梁崔  
風蒲半折寒鴈起竹間的樂寒江梅畫堂粉壁翻雲幙  
十里江天無處著好臥元龍百尺樓笑看江水拍天流

女仙傳園客妻神女也園客種五色香草積數十年服食其實忽有五色蛾集香  
草上客收而薦之以布生花蠶焉至蠶時有女自來助客養蠶亦以香草飼之得  
蠶百十二枚大如蠶則仙傳述異記並云互見一卷和子由踏青詩注博物志有  
居海島上者每年八月見浮槎過因齎糧而登忽至一處城郭甚壯舍中多織婦  
俄一丈夫牽牛水次飲之後乃知天河也西京雜記  
成帝設雲帳雲幄雲幕於甘泉紫殿世謂之三雲殿

### 次韻張昌言給事省宿

張昌言名問兩為河北轉運知滄  
州新法之行獨不阿時好元祐初

為祕書監使河北相度水事過永靜軍奏乞減價糶本軍寄糶斛  
斗四十餘萬石救郡民饑朝廷從之還為給事中故有朔野按行  
猶雀躍之句未幾致仕而卒年七十五按昌言本襄陽人种世衡  
遺以汝州田十頃辭弗受當是徙居於汝先生亦常欲居汝故云



待向崧陽求水竹一犁煙雨伴公歸雖南遷此志不遂諸子以治命卒葬汝之郊城焉

馮顛久已歆殘雪戎眼何曾眩落暉朔野按行猶爵躍

東臺暝坐覺鳥飛

公自注道家有鳥飛入兔宮之說

謾誇年少容吾在

公自注樂天詩

云猶有誇張少年處笑呼張丈喚殷兄

若鬪樽前舉世稀待向崧陽求水竹一

犁煙雨伴公歸

馮顛言馮唐也唐白首郎署故云晉王戎傳戎視日不眩裴楷見而目之曰戎眼爛爛如巖下電莊子在宥篇鴻蒙方將拊髀雀躍而遊牛僧孺贈劉中丞詩休論世上升沉事且鬪樽前見在身再見

次韻三舍人省上

公自注三月二十九日作明日爲辛景靈宮

紛紛榮瘁何能久雲雨從來翻覆手恍如一夢墮枕中

卻見三賢起江右

公自注晉子開劉貢父孔經父皆江西人

嗟君妙質皆瑚璉顧我



虛名但箕斗明朝冠蓋蔚相望共扈翠輦朝宣光武皇

已老白雲鄉正與羣帝驂龍翔獨畱杞梓扶明堂

杜子美貧交行翻手作雲覆手雨紛紛輕薄何須數古詩南箕北有斗牽牛不負輓良無磐石固虛名復何益本朝事實景靈宮神宗御容殿田宣光杜詩矯如羣帝驂龍翔韓退之送張道一詩況當營都邑杞梓用不疑

送錢承制赴廣西路分都監

當年我作表忠碑坐覺江山氣未衰舞鳳尚從天目下

收駒時有渥洼姿踞牀到處堪吹笛橫槊何人解賦詩

知是丹霞燒佛手先聲應已懾羣夷

公自注廣西僧寺頃有佛動之異錢君碎而投之江中

表忠觀碑詳見十七卷送錢道士歸杭注杭州圖經吳越王錢氏世葬臨安先是有題詩於上者云天目山前兩乳旁鸞飛鳳舞下錢塘兩山空缺橫爲案數百年中出五王或云乃晉郭璞詩其後二句云海門山氣橫爲按五百年間異姓王今兩存之又天目山上有兩湖如左右目故名晉桓伊傳伊有蔡邕柯亭管常自吹

此六字附筆而書  
此係有與合係有  
移不同



之王徽之赴召命泊舟青溪素不相識伊於岸上過徽之令人謂口聞君善吹笛  
爲我一弄伊時已顯貴素聞徽之名便下車踞胡牀爲作三調弄畢便上車去客  
主不交一言新唐書杜甫傳元稹論曰建安之後曹氏父子鞍馬間爲文往往橫  
槩賦詩故其狀抑揚怨哀悲離之作尤極於古傳燈錄丹霞禪師於慧林寺遇天  
寒取木  
佛焚之

次韻曾子開從駕二首

曾子開名肇子固幼弟舉進士入館閣編修國史自熙寧以來四十

年大臣更用事邪正相軋黨論屢起子開身更其間數不合兄布與韓儀公忠彥並相祐陵初政日謀所以傾危之子開詒書警戒甚切其兄不能用蔡京得政兄弟俱不免

槐街綠暗雨初勻瑞霧香風滿後塵清廟幸同觀濟濟  
豐年喜復接陳陳雍容已饜天庖賜俯伏初嘗貢茗新  
輦路歸來聞好語共驚堯顙類高辛

史記五帝本紀帝嚳高辛崩於勳立是爲帝

堯子子州家即人哉謂子貢曰其類以堯



入仗覓驚愧草萊一聲清蹕九門開  
暉暉日傍金輿轉  
習習風從玉宇來  
流落生還真一芥  
周章危立近三槐

公自注學士

班近執政

道傍儻有山中舊  
問我收身蚤晚回

周禮宮正

凡邦之事蹕鄭氏云蹕止行者楚辭九歌聊翱游兮周

章周禮三槐三公位焉歐陽述懷詩何日蚤收身江湖一漁艇

### 再和

眼花錯莫鬢霜勻  
病馬羸騶只自塵  
奉引拾遺叨侍從  
思歸少傅羨朱陳  
衰年壯觀空驚目  
嶮韻清詩苦鬪新  
最後數篇君莫厭  
擣殘椒桂有餘辛

毛詩無將大車祗自塵全杜子美憶昔詩我昔近侍叨奉引子美以至  
德二年拜右拾遺白樂天有朱陳村詩樂天以開成初改太子少傅

憶觀滄海過東萊  
日照三山迤邐開  
桂觀飛樓凌霧起



仙幢寶蓋拂天來不聞宮漏催晨箭但覺簷陰轉古槐

供奉清班非老處會稽何日乞方回

公自注時方闕會稽守

揚子觀書者譬諸觀山及水升東嶽而知衆山之迤邐也百樂天詩朱箔銀鉤迤邐開史記封禪書公孫卿言仙人好樓居於是上令長安作蜚廉桂觀吳越春秋范蠡爲句踐立飛翼樓以象天門維摩經起七寶塔以一切纓絡幢幡而供養之又毗耶離城長者子持七寶蓋來詣佛所杜子美詩翠華拂天來向東周禮挈壺氏縣壺以序聚櫟鄭氏云縣壺以爲漏漏之箭晝夜共百刻冬夏之間有長短焉太史立成法有四十八箭杜和賈舍人詩五夜漏聲催曉箭又詩憶昨逍遙供奉班去年今日侍龍顏晉御惰傳字方回除太常固讓不拜樂補遠郡從之出爲會稽內史久之乞骸骨因居會稽

次韻貢父省上

密雲今日破郊西疎雨翛翛未作泥要及清閑同笑語

行看衰病費扶攜花前白酒傾雲液戶外青驄響月題

不用臨風苦揮淚君家自與竹林齊

公自注貢父詩中有不及與其兄原甫同時之飲然



其兄子仲馮今  
為起居舍人

周易密雲不雨自我西郊韓退之南內朝賀歸詩薄雲蔽秋曦  
雨不成泥莊子馬馳篇伯樂善治馬加之以衡扼齊之以月題

再和

當年曹守我膠西共厭餽糟與汨泥自古赤丸成習俗

因公黃犢免提攜生還各有青山興病起猶能小字題

莫怪歌呼數相和曾將獄市寄全齊

公自注貢父為曹州盜賊皆奔鄰境嘗有詩云從教

晉盜補

奔秦

漢地理志高密國文帝十六年為膠西宣帝本始元年更高密曹守言劉貢父也

楚辭漁父世人皆濁何不汨其泥而揚其波眾人皆醉何不餽其糟而飲其醢亦

九用尹賞事黃犢用龔遂事竝已見漢曹參傳為齊

丞相召去屬其後相曰以齊獄市為寄慎勿擾也

送顧子敦奉使河朔

顧子敦名臨會稽人舉說書科入館閣元祐二年擢給事中朝廷開回河拜待



制出爲河北都轉運使公疏言臨資性方正學有根本慷慨中立凜然有古人之風宜畱實左右別選深知河事者往使不報後諸公餞子敦復次前韻詩有云上書苦畱君言拙輒報已指此事也子敦至部請因河勢回使東流復召歸班爲翰林學士紹聖初以龍圖閣學士守定徙應天河南時論旣變奪職守新安斥居番陽年七十二卒徽宗立追復之

我友顧子敦軀膽兩俊偉便便十圍腹不但貯書史容  
君數百人一笑萬事已十年臥江海了不見愠喜磨刀  
向豬羊醺酒會鄰里歸來如一夢豐頰愈茂美平生批  
敕手濃墨寫黃紙會當勒燕然廊廟登劍履翻然向河  
朔坐念東郡水河來吃不去如尊乃勇耳

唐李藩傳爲給事中制有不便就敕尾批卻之吏請聯他紙藩曰聯紙是牒豈曰批敕耶後漢竇憲傳擊匈奴登燕然山刻石勒功紀漢威德班固作銘漢蕭何傳高帝賜何帶劍上殿晉王導傳劍履上殿入朝不趨漢王尊傳爲東平相謂東平



堤尊居場上去詳見十三卷河復詩注王立之詩記元祐中顧子敦有顧屠之號以其極肥偉也其後奉使河朔居士有詩送之云便使十圍腹不但貯書史又云磨刀向豬羊醺酒會鄰里又云批敕手皆用屠家語也子敦讀之頗不樂所以居士復和前篇云善保千金軀前言戲之耳

### 次韻子由送家退翁知懷安軍

家退翁名定國弟復禮名安國東坡子由及退

翁兄弟少時皆嘗從眉州劉微之見子由送家安國詩

吾州同年友粲若琴上星當時功名意豈止拾紫青事

既喜

喜字疑誤當作與

違願天或不假齡今如圖中鶴俛仰在一

庭

公自注吾州同年友十三人今存者六人而已故有琴上星圖中鶴之語

退翁守清約霜菊有餘馨鼓

笛方入破朱絃微莫聽西南正春早廢沼黏枯萍翩然

一麾去想見靈雨零我無謫仙句待詔沉香亭空騎內

廐馬天仗隨雲輶竟無絲毫補眷焉誰汝令永愧舊山



叟憑君寄丁寧

劉禹錫送張翥詩序今人以偕升名爲同年友漢夏侯勝傳經術苟明取青紫如拾地芥耳晉嵇康傳作幽憤詩曰事與願違茲淹留毛詩靈雨旣零命彼倌人後漢郎顗傳

丁寧再三

諸公餞子敦軾以病不往復次前韻

君爲江南英面作河朔偉人間一好漢誰似張長史上書苦畱君言拙輒報已置之勿復道出處俱可喜攀輿共六尺食肉飛萬里誰言遠近殊等是朝廷美遙知送別處醉墨爭淋紙我以病杜門商頌空振履後會知何日一歡如覆水善保千金軀前言戲之耳

舊唐書狄人傑傳武后問曰朕要一好漢任使有乎仁傑曰荊州長史張柬之其人雖老宰相材也若用之必能盡節於國家漢東方朔傳四方士上書言得失其



不足采者輒報聞罷先生奏議有乞畱顧臨狀漢袁盎傳天子所與共六尺輿皆天下豪英後漢班超傳相者謂超曰生燕領虎頸飛而食肉萬里侯相也莊子讓王篇曾子居衛曳縱而歌商頌聲滿天地若出金石新序原憲曳杖拖履行歌商頌天子不得而臣諸侯不得而友也

### 和張昌言喜雨

二聖憂勤忘寢食百神奔走會風雲禁林夜直鳴江瀨  
清洛朝回起縠紋夢覺酒醒聞好語帳空簾冷發餘薰  
秋來定有豐年喜剩作新詩準備君

二聖謂哲宗與太后也劉禹錫竹枝詞瀼西  
春水縠紋生杜牧之詩水紋如縠燕差池

### 次韻劉貢父西省種竹

要知西掖承平事記取劉郎種竹初舊德終呼名字外  
後生誰續笑談餘

公自注昔李公擇種竹館中戲語同舍後人指此竹必  
云李文正手植貢父笑曰文正不獨繫筆亦知種竹耶



時有筆工李文正

成陰障日行當見取筭供庖計已疎白首林間

望天上平安時報故人書

西陽雜俎李衛公言北都惟童子寺有竹一窠才長數尺公令其寺綱維每日報竹平安公自注亦云

偶與客飲孔常父見訪設席延請忽上馬馳去已而有詩戲用其韻答之

揚雄他文不皆奇獨稱觀鉗居井眉酒客法士兩小兒  
陳遵張竦何曾知主人有酒君獨辭蟹螯何不左手持  
豈復見吾橫氣機遣人追君君絕馳盡力去花君自癡  
醍醐與酒同一卮請君更問文殊師

魏文帝典論如王粲之初征登樓槐賦征思徐幹之立猿漏卮負扇橘賦雖張蔡不過也然于也文未能爾是異陳遵專尊與張山具以列矣歸長安陳居貧無資



客時時好事者從之論道經書而適晝夜號呼車騎滿門先是揚雄作酒爲酒  
客難法度士譬之於物曰子猶餅矣觀餅之居居井之眉自用如此不如鴟夷遵  
大喜之謂竦曰吾與爾猶是莊子應帝王篇季咸相壺子壺子曰吾向示之以太  
沖莫勝是殆見吾橫氣機也明日又與之見壺子立未定自失而走壺子曰追之  
列子追之不及返以報壺子曰已滅矣已失矣吾弗及矣維摩經  
花至大弟子便著不墮一切弟子神力去花不能令去又百見前

### 次韻子由書李伯時所藏韓幹馬

李伯時名公麟一字叔時舒城人南

唐先主昇諸孫舉進士長於詩父虛一喜藏法書名畫伯時自少  
好之遂悟古人用筆畫特精絕氣韻高遠意造天成顧陸張吳殆  
不能過雷意三代鼎彝之器博學精鑒用意至到聞一器雖千金  
不少靳性嗜玉見輒以善價求之晚作洗玉池先生銘之又酷愛  
伯時丹青見於詩篇文字不一而足其仕監奏邸敕令刪定  
官御史檢法官後病痺不能運筆反以厚貲收已所作云

潭潭古屋雲幙垂省中文書如亂絲忽見伯時畫天馬  
朔風胡沙生落錐天馬西來從西極勢與落日爭分馳  
龍膺豹股頭八尺奮迅不受人間羈元狩虎奮聊可友

只就伯時生情神  
解以手筆滿畫後  
其意亦在畫中  
方并



韓幹用筆妙而反  
古人  
此君子指子田子見其  
乃云

開元玉花何足奇。伯時有道真吏隱。飲啄不羨山梁雌。  
丹青弄筆聊爾耳。意在萬里誰知之。幹惟畫肉不畫骨。  
而況失實空餘皮。煩君巧說腹中事。妙語欲遣黃泉知。  
君不見韓生自言無所學。廐馬萬匹皆吾師。

歸藏啟筮云。昔者女媧坐張雲臺。史記樂書武帝伐大宛得千里馬。作歌曰。天馬來兮從西極。經萬里兮歸有德。漢禮樂志。元狩三年馬生渥洼水中。作天馬歌曰。天馬來出泉水虎脊兩化。若鬼。杜子美丹青引。先帝天馬玉花驄。畫工如山貌不同。又幹惟畫肉不畫骨。忍使騏驎氣凋喪。唐文粹。范傳正李翰林新墓碑云。騏驎筋力成意。在萬里外。後漢禰衡傳。衡爲作書記。輕重疎密。各得體宜。黃祖持其手曰。處士此正得祖意。如祖腹中之所欲也。名畫記。下令韓幹師陳閎。怪其不同。幹曰。臣自有師。陛下內廐馬皆臣師也。

次韻劉貢父獨直省中

明牕畏日曉先暉。高柳鳴蜩午更喧。筆老新詩疑有物。



心空客疾本無根隔牆我亦眠風榻上馬君先瑣月軒  
共喜蚤歸三伏近解衣槃礴亦君恩

軾以去歲春夏侍立邇英而秋冬之交子由相  
繼入侍次韻絕句四首各述所懷

瞳瞳日脚曉猶清細細槐花暖自一作欲零坐閱諸公半廊

廟公自注僕射呂公門下韓公  
右丞劉公皆自講席大用時看黃色起天庭

上尊初破蚤朝寒茗盃仍霑講舌乾陞楯諸郎空雨立  
故應慙悔不儒冠

陞楯儒冠  
注並已見

兩鶴摧頽病不言年來相繼亦乘軒悞聞九奏聊飛舞



可得裴回爲啄吞

左傳閔二年衛懿公好鶴鶴有乘軒者史記扁鵲傳百神游於鈞天廣樂九奏萬舞又樂書師曠鼓琴一奏有玄鶴二八集乎廊門再奏之延頸而鳴舒翼而舞藝文類聚白鶴古詩云五里一反顧六里一裴回吾欲銜汝去口噤不能開吾欲負汝去毛羽日摧頽漢東方朔傳尻益高者鶴俛啄也文選升天行啄腐吞腥

微生偶脫風波地晚歲猶存鐵石心定似香山老居士

世緣終淺道根深

公自注樂天自江州司馬除忠州刺史旋以主客郎中知制誥遂拜中書舍人軾雖不敢自比然謫居黃州起

知文登召爲儀曹遂泰侍從出處老少大畧相似庶幾復享此翁晚節閑適之樂焉

送宋朝散知彭州迎侍二親

宋彭州名構字成之成都人

東來誰迎使君車知是丈人屋上烏丈人今年二毛初

登樓上馬不用扶使君負弩爲前驅蜀人不復談相如

老幼化服一事無有鞭不施安用蒲春波如天漲平湖



鞞紅照坐香生膚鞞上壽白玉壺公堂登歌鳳將雛  
諸孫歡笑爭挽須蜀人畫作西湖圖

說趙天公謂武王曰愛其人者兼屋上之烏杜子美贈李四丈詩丈人屋上烏人  
好烏亦好左傳僖二十二年君子不禽二毛注頭白有二色也潘安仁秋興賦春  
秋三十有二始見二毛漢司馬相如傳使西南夷至蜀太守以下郊迎縣令負弩  
矢先驅蜀人以爲寵後漢劉寬傳典歷三郡溫仁多恕吏人有過但用蒲鞭罰之  
示辱而已北史崔祖思叔父景真爲平昌太守有惠政常懸一蒲鞭而未嘗用去  
任之日士人思之爲立祠鞞紅牡丹名見歐陽花譜彭州多此花唐韻鞞囊也音  
與鞞同史記淳于髡傳親有嚴客鞞鞞鞞侍酒於前時賜餘瀝奉觴  
上壽再見晉樂志鳳將雛舊曲也杜北征詩問事競挽須誰能卽嗔喝

郭熙畫秋山平遠

公自注文潞公爲跋尾圖畫見聞  
志郭熙河陽人工畫山水寒林

玉堂畫掩春日閑中有郭熙畫春山鳴鳩乳燕初睡起  
白波青嶂非人間離離短幅開平遠漠漠疎林寄秋晚  
恰似江南送客時中流回頭望雲巘伊川佚老鬢如霜



臥看秋山思洛陽爲君紙尾作行草炯如嵩洛浮秋光  
我從公游如一日不覺青山映黃髮爲畫龍門八節灘  
待向伊川買泉石

杜子美詩鳴鳩乳燕青春深又詩白波吹粉壁青嶂插彫梁伊川佚老文潞公也  
白樂天開八節灘詩序云東都龍門潭之南有八節灘九峭石唐田游巖傳泉石  
膏肓煙  
震痼疾

次韻張昌言喜雨

千里黃流失故居年來赤地到青徐遙聞爭誦十行詔  
無異親巡六尺輿精貫天人一言足雲興嶽瀆萬靈趨  
愛君誰似元和老賀雨詩成卽諫書

後漢循吏傳光武以手跡賜方國者皆一札十行細書成文白樂天元和三年賀  
雨詩卒章云君以明爲聖臣以直爲忠敢賀有其始亦願有其終漢王吉傳以三



百篇諫故  
無諫書

施註蘇詩卷之二十五



施註蘇詩卷之二十五

十九



施註蘇詩卷之二十六

漫堂先生宋一榮

長洲顧嗣立

樸園先生張榕端

閱定

毗陵邵長蘅

刪補

商丘宋至

詩四十九首

時官翰林作施註缺今補

書晁補之所藏與可畫竹三首

與可畫竹時見竹不見人豈獨不見人  
嗒然遺其身其身與竹化無窮出清新  
莊周世無有誰知此凝神

莊子達生篇用志不分乃凝於神

若人今已無此竹寧復有那將春蚓筆畫作風中柳君

大有字白筆化之物



乞食家向正米叔  
八日陽明

是古必二有乃有市而  
隨手作合五石所

看斷崖上瘦節蛟蛇走何時此霜竿復入江湖手

隋書楊素戲柳調曰柳條補體弱獨搖不  
禁風白樂天畫竹歌蕭蕭畫葉瘦節節疎

晁子拙生事舉家聞食粥朝來又絕倒諛墓得霜竹可

憐先生槃朝日照苜蓿吾詩固云爾可使食無肉公自注  
吾舊詩

云可使食無肉  
不可使居無竹

首二句用魯公乞米帖語屢見世說衛玠談道平子絕倒唐韓愈傳劉叉者亦節  
士持愈數斤金去曰此諛墓中人得者不若與劉君為壽苜蓿槃詳第四卷和子  
由詩注  
屢見

戲用晁補之韻

昔我嘗陪醉翁醉今君但吟詩老詩清詩咀嚼那得飽  
瘦竹瀟灑令人饑試問鳳凰饑食竹何如駑馬肥苜蓿



知君忍饑空誦詩口頰瀾翻如布穀

王注醉翁歐陽永叔也詩老梅聖俞也莊子秋水篇鵠鵠非梧桐不止非練實不食注練實竹實也本草苜蓿出西域漢大宛列傳馬嗜苜蓿漢使取其實來于是天子始種苜蓿又杜子美詩宛馬總肥春苜蓿希穀瀾翻注已見

書皇親扇

十年江海寄浮沉夢遶江南黃蘗林誰謂風流貴公子  
筆端還有五湖心

唐人題韓信廟詩降淮蚤知同鳥篆將軍應有五湖心

書李世南所畫秋景二首

野水參差落漲痕疎林欹倒出霜根扁舟一棹歸何處  
家在江南黃葉村



人間斤斧日創夷誰見龍蛇百尺姿不是溪山曾獨往

何人解作挂猿枝

創夷瘡痍同後漢書命軍吏察夷傷注金瘡曰夷李白詩山光嵐積雪猿影挂寒枝

書鄒陵王主簿所畫折枝二首

論畫以形似見與兒童鄰賦詩必此詩定非知詩人詩

畫本一律天工與清新邊鸞雀寫生趙昌花傳神如何

此兩幅疎澹含精勻誰言一點紅解寄無邊春

劉勰文心雕龍文章有形似之語畫鑑唐人花鳥邊鸞最為馳譽段成式詩活禽生卉推邊鸞趙昌見二十三卷王伯敏藏趙昌花詩注

瘦竹如幽人幽花如處女低昂枝上雀搖蕩花間雨雙

翎決將起眾葉紛自舉可憐採花蜂清蜜寄兩股若人

謝少暉詩不墮沙泥

生趣可掬



名曰唐書有什字法  
可謂接此向來如  
意

八得別教切抄自訂

富天巧春色入毫楮懸知君能詩寄聲求妙語

莊子逍遙遊蜩與鷺鳩笑之曰我決起而  
飛搶榆枋漢賈捐之傳君房言語妙天下

人 昨見韓丞相言王定國今日玉堂獨坐有懷其

晝臥玉堂上微風舉輕紈銅餅下碧井百尺鳴飛瀾俛  
仰清夢餘愛此一掬寒似予平生友苦語涼肺肝秀眉  
玉兩頰矯矯如翔鸞置之江淮交清詩洗江湍紅鱗對  
白酒信美非所安丞相功業成還家酒杯寬人間有此  
客折簡呼不難相將扣東閣起舞盡餘歡

韓退之憶昨行

詞苦語感我耳



短而不促其境甚闊

起得奇峻

和張耒高麗松扇

張耒字文潛淮陰人蘇門四學士之一

後得忠陵

可憐堂上十八公。老死不入光明宮。一作明光萬牛不來難自獻。裁作團團手中扇。屈身蒙垢君一洗。挂名君家詩集裏。猶勝漢宮悲婕妤。網蟲不見乘鸞子。

會稽錄丁固夢松生腹上有解之者曰松字十八公也後十八年果為三公三輔故事桂宮中有光明殿班婕妤怨歌行新裂齊紈扇皎潔如霜雪裁成合歡扇團團似明月江文通擬班婕妤好詩紈扇如圓月出自機中素畫作秦王女乘鸞向煙霧劉禹錫團扇歌秋風入庭樹從此不相見上有乘鸞女蒼蒼網蟲遍先生詩蓋參錯三詩之意也

故李誠之待制六丈挽詞

青青一寸松中有樑棟姿天驥墮地走萬里端可期世無阿房宮下建五丈旗又無穆天子西征燕瑤池才大



古難用老死亦其宜丈夫恐不免豈患莫已知公如松  
與驥小小稱偉奇俯仰自廊廟笑談無羌夷清朝竟不  
用白首仍憂時願斬橫行將請烹乾沒兒言雖不見省  
坐折姦雄窺嗟我去公久江湖生白髭歸來耆舊盡零  
落存者誰比公嵇中散龍性不可羈疑公李北海慷慨  
多雄詞淒涼五君詠沉痛八哀詩邪正久乃明人今屬  
公思九原不可作千古有餘悲

秦始皇本紀作前殿阿房上可以坐萬人下可以建五丈旗再見列子穆王肆意  
遠遊命駕八駿之乘升崑崙之丘遂賓于西王母觴于瑤池之上一日行萬里史  
記季布列傳樊噲曰臣願得十萬衆橫行匈奴中季布曰噲可斬也夫高帝將兵  
四十餘萬衆困於平城今噲奈何以十萬衆橫行匈奴中漢食貨志烹弘羊天乃  
雨詳見十九卷魚蠻子詩注又張湯始爲小吏乾沒與長安富賈田甲魚翁叔之  
屬交私魏畧文帝與元城令吳質書徐陳應劉一時俱逝何圖數年之間零落畧



盡言之傷心顏延年五君詠謂阮籍嵇康劉伶阮咸向秀也其詠嵇康云鸞翮有時鍛龍性誰能馴杜子美八哀詩謂王思禮李光弼嚴武汝陽王璣李邕蘇源明鄭虔張九齡也李邕詩云憶昔李公存詞林有根柢聲華當健筆灑落富清製李邕嘗為北海太守禮記趙文子與叔譽觀乎九原文子曰死者如可作也吾誰與歸

### 次韻孔常父送張天覺河東提刑

送君應典鸛鷖裘憑仗千鍾洗別愁脫帽風流餘長史

公自注君喜草書而不工故以此為戲埋輪家世本留侯公自注張綱子房七世孫也犍為武陽人墓在今彭山君豈其後邪

子河駿馬方爭出公自注麟府馬出子河泌昭義疲兵得少休公自注唐福昭義步兵蓋澤潞

弓箭定向秋山得嘉句故關黃葉滿行舟

西京雜記司馬相如初與卓文君還成都居貧愁懣以所著鸛鷖裘貫酒為歡長史張旭也杜子美飲中八仙歌云張旭三杯草聖傳脫帽露頂王公前王注故關即河東古關唐李端古別離詩水國葉黃時洞庭霜落夜行舟聞商賈宿在楓林下此地送君還茫茫似夢間

### 送張天覺得山字



西登太行嶺北望清涼山晴空浮五髻  
曉靄卿雲間餘光入巖石神草出茅  
菅何人相指似稍稍落人寰能令墜  
指兒虬髯茁冰顏祝君如此草爲民  
已痼瘵我亦老且病眼花腰腳頑念  
當勤致此莫作河東慳

山志太行山在澤州晉中縣五臺山一名清涼山史記天宮書若煙非煙若雲非雲郁郁紛紛蕭索輪囷是謂卿雲劉禹錫詩金毛五髻卿雲間詳見二十五卷武昌西山注山志山中有圓光不次呈現詩小雅露彼菅茅王注五臺山有草藥名長松亦名仙萌時有患風疾者入山遇異僧授此草服之兩眉再生疾遂愈

### 次韻王定國倅揚州

此身江海寄天游一落紅塵不易收  
未許相如還蜀道空教何遜在揚州  
又驚白酒催黃菊尚喜朱顏映黑頭  
火急著書千古事虞卿應未厭窮愁

三  
王懷江却石甚云



司馬相如傳建節往使西南夷至蜀太守以下郊迎縣令負弩矢先驅蜀人以爲寵杜註何遜作揚州法曹廡舍有梅花盛開遜吟詠其下後居洛思梅花再請其任從之抵揚州花方盛遜對花徬徨終日史記平原君傳虞卿非窮愁亦不能著書以自見于後世云

贈李道士

并序

駕部員外郎李宗君固景祐中良吏也守漢州有道士尹可元精練善畫以遺火得罪當死君緩其獄會赦獲免時可元八十一自誓且死必爲李氏子以報可元旣死二十餘年而君子世昌之婦夢可元入其室生子曰得柔小名蜀孫幼而善畫旣長讀莊老喜之遂爲道士賜號妙應事母以孝謹聞其寫真蓋妙絕一時云



世人只數曹將軍誰知虎頭非癡人腰間大羽何足道  
頰上三毛自有神平生狎侮諸公子戲著幼輿巖石裏  
故教世世作黃冠布韞青鞋弄雲水千年鼻祖守關門  
一念還爲李耳孫香火舊緣何日盡丹青餘習至今存  
五十之年初過二衰顏記我今如此他時要指集賢人

知是香山老居士

公自注樂天爲翰林學士奉詔寫真集賢院

張彥遠名畫記曹霸魏筆之後人實未每詔寫御馬及功臣官至左武衛將軍再見又顧愷之小字虎頭丹青妙絕時俗傳虎頭三絕畫絕詩絕才絕互見第五卷寄華老詩注杜子美丹青引良相頭上進賢冠猛將腰間大羽箭晉顧愷之傳嘗圖裴楷象頰上加三毛覺神明殊勝又爲謝鯤象在石巖裏云此子宜置丘壑中幼輿謝鯤字再見唐書李播棄隋爲道士號黃冠子杜子美山水障歌青鞋布韞從此始揚雄反騷或鼻祖于汾陽劉德注鼻始也關令內傳關令尹喜登樓四望見東極有紫氣西邁曰應有聖人經過至期齋戒守關果見老子「一念用楊妃外傳語見第十四卷芙蓉城詩注史記老子列傳姓李名耳爲周守藏室史王注



鼻祖指尹喜李耳指老聃按李道士前生姓尹後為李氏子而皆為道士故用尹喜老聃事通言之孔融與曹公書五十之年融又過二白樂天詩晉作少學士圖形入集賢今為老居士寫貌寄香山

次韻張舜民自御史出倅虢州畱別

舜民字雲叟元豐辛酉為環慶

師屬明年責監郴州酒稅尋以年勞賜五品服元祐初還朝赴試玉堂按柳屬湖湘故曰湘纍又賜服赴試故有給札佩銀之語

玉堂給札氣如雲初起湘纍復佩銀樊口淒涼已陳迹

公自注晉與張同遊武昌樊口來詩中及之

班心突兀見長身

公自注臺史謂御史立處為班心

江湖前

日真成夢鄂杜他年恐卜鄰此去若容陪坐嘯故應客

主盡詩人

漢司馬相如列傳請為天子遊獵之賦上令尚書給筆札又相如既奏大人賦天子大說飄飄有凌雲氣揚雄反騷因江潭而淮記今欽弔楚之湘纍注不以罪死曰纍淮往也長身注屢見

里志鄂杜二縣名屬長安



在法本題先雙連榜以  
乙慢用抄法

怪君之自得報相其得  
榜文却在上方函接其  
止

此山似法叔石坊于直視

次韻米黻二王書跋尾二首

三館曝書防蠹毀得見來禽與青李秋蛇春蚓久相雜  
野鷺家雞定誰美玉函金籀上天來紫衣敕使親臨啟  
紛綸過眼未易識磊落挂壁空雲委歸來妙意獨追求  
坐想蓬山二十秋怪君何處得此本上有桓玄寒具油  
巧偷豪奪古來有一笑誰似癡虎頭君不見長安永寧  
里王家破垣誰復修

職畧宋以昭文集賢史館為三館皆寓崇文院尚書故實王內史有來禽青李帖  
秋蛇春蚓野鷺家雞注屢見漢武內傳封以白玉之函黃庭經玉匙金籀常完堅  
後漢逸民傳井丹善談五經京師語曰五經紛綸井大春晉謝靈運傳比響聯辭  
波屬雲委王子年拾遺記海中三神山二曰蓬壺即蓬萊山也續晉陽秋桓玄好  
蓄法書名畫客至常出而觀客食寒具油污其書後遂不設寒具集韻寒具餽餅  
也晉顧愷之傳嘗以一廚畫寄桓玄玄發其廚後竊取之愷之見封題如初但失



其書直云妙畫通靈變化而去猶人之登仙了無怪色唐王淮傳居永寧里法帖名畫以厚貲鉤取鑿垣納之及被誅所藏書畫悉為人破取

元章作書日千紙平生自苦誰與美畫地爲餅未必似  
要令癡兒出饒水錦囊玉軸來無趾粲然奪真疑聖智  
忍饑看書淚如洗至今魯公餘乞米

三國盧毓傳文帝詔曰選舉莫取有名名如畫地作餅不可啖也歐陽永叔詩盛以錦囊裝玉軸孔融與曹公書珠玉無蹜而自至者人好之也乞米魯公帖

次韻宋肇惠澄心紙二首

詩文發源澄心堂紙乃江南李后主製劉貢父詩云當時百金

售一幅澄心堂中千萬軸後人聞此那復得就使得之當不識

詩老囊空一不畱百番曾作百金收

公自注永叔以澄心百幅遺聖俞聖俞有詩知

君也要雕肝腎分我江南數斛愁



庾亮賦且將一寸心能容萬斛愁王注澄心紙江南李後主製故曰江南數斛愁韓退之詩不用雕琢愁肝腎

君家家學陋相如宜與諸儒論石渠古紙無多且分我

自應給札奏新書

王注宋肇蓋子京家子京好爲險澀之語故言其家學陋相如也漢儒林列傳甘露中施讐與五經諸儒雜論同異于石渠閣三國魏武帝本紀諸將征伐皆以新書從事

再見

郭熙秋山平遠二首

郭熙秋山平遠見二十五卷題注

目盡孤鴻落照邊遙知風雨不同川此間有句無人識

送與襄陽孟浩然

杜子美詩復憶襄陽孟浩然新詩句句盡堪傳再見

木落騷人已怨秋不堪平遠發詩愁要看萬壑爭流處



他日終煩顧虎頭

李白詩昨夜秋聲聞闌來洞庭木落騷人哀晉顧愷之傳人間會稽山水之狀愷之云千巖競秀萬壑爭流

送歐陽辯監澶州酒

汗血駕鼓車何從致千里紛紛糟麴間欲試賢公子君家江南英濯足滄浪水卻渡舊黃河漲沙埋馬耳由來付造物倚伏何窮已當念楚子文三仕無愠喜

史記大宛列傳大宛多善馬馬汗血東觀漢記光武時名都王國有獻名馬者帝以馬駕鼓車

九月十五日邇英講論語終篇賜執政講讀史

官燕于東宮又遣中使就賜御書詩各一首臣

軾得紫薇花絕句其詞云絲綸閣下文書靜鐘



鼓樓中刻漏長獨坐黃昏誰是伴紫薇花對紫

微郎翌日各以表謝又進詩一篇臣軾詩云

通鑑

元祐二年秋宴近臣于資善堂出所書唐人詩分賜按年譜先生以元祐元年自中書舍人爲翰林學士知制誥二年兼侍讀通典唐置中書舍人六人其內一人知制誥天寶元年改中書爲紫微省舍人曰紫微郎羣芳譜紫薇花小而叢其色紫一名木槿

繡裳畫袞雲垂地不作成王剪桐戲日高黃繖下西清

風動槐龍舞交翠

公自注瀾英閣前有雙槐樛然屬地如龍形

壁中蠹簡今千年漆

書科斗光射天諸儒不復憂吻燥東宮賜酒如流泉酒

酣復拜千金賜一紙驚鸞回鳳字蒼顏白髮便生光袖

有驪珠三十四

公自注臣所賜書并題目及臣姓名凡三十四字

歸來車馬已喧闐爭

看銀鉤墨色鮮人間一日傳萬口喜見雲章第一篇

公自



注上前此未嘗以御書賜羣臣

玉堂晝掩文書靜鈴索不搖鐘漏永莫言弄

筆數行書須信時平由主聖犬羊散盡沙漠空捷烽夜

到甘泉宮似聞指揮築上郡已覺談笑無西戎

公自注時熙河新獲

鬼章是日涇原復奏夏賊數十萬人遁去

文思天子師文母終閉玉關辭馬武小

臣願對紫薇花試草尺書招贊普

公自注按唐制翰林學士帶知制誥許綴中書舍人班今臣以

知制誥待罪禁林故得以紫薇為故事

詩國風衮衣繡裳史記晉世家成王與叔虞戲削桐葉為圭與之曰以此封若史

佚請擇日立叔虞曰天子無戲言揚雄賦攬擢流於高光兮浴方皇於西清漢書

魯恭王壞孔子舊宅於其壁中得古文經傳後漢書杜林於西州得漆書古文尚

書一卷科斗即壞宅所得也陸機文賦始躑躅於燥吻杜子美詩不有小舟能盪

槳百壺那送酒如泉索靖草書狀婉若銀鉤飄若驚鸞王羲之草書勢婆娑而同

鳳舞韓退之詩遺我明珠九十六寒光照骨映驪目戎幕閑話翰林院有懸鈴以

備中夜警急文書出入則引索以代呼唐晝長慶中河北用兵翰林院鈴索自鳴

與軍事緩急相應章屋詩夜久忽聞鈴索動玉堂西軒響丁東杜子美詩建書夜



報清書同三輔黃圖甘泉宮在池陽縣西去長安二百里史記蒙恬列傳北逐夷狄收河南築長城居上郡書堯典欽明文思安安唐杜牧之詩文思天子復河湟詩周頌亦右文母按文母指太皇太后也後漢臧宮傳時匈奴饑疫宮與揚虛侯馬武上書願得五千騎以立功詔辭不許又范曄論光武閉玉門以謝西域之質後漢西域傳建武二十一年西域十八國遣子入侍天子皆還其侍子一統志玉門關在沙州魏收詩尺書徵建鄴杜子美詩敕書憐贊普注贊普吐番君號

### 和王晉卿

并序

元豐二年予得罪貶黃州而駙馬都尉王誥亦坐累遠謫不相聞者七年予既召用而誥亦還朝相見殿門外感歎之餘作詩相屬詞雖不甚工然託物悲慨阨窮而不怨泰而不驕憐其貴公子有志如此故和其韻欲使誥姓名附見予詩集中然亦不以示誥也誥字晉卿功臣全斌之後云

宋史全斌  
太原人贈



中書  
令

先生飲東坡獨舞無所屬當時挹明月對影三人足醉  
眠草棘間蟲虺莫予毒醒來送歸鴈一寄千里目悵然  
懷公子旅食久不玉欲書加飡字遠託西飛鵠謂言相  
濡沫未足救溝瀆吾生如寄耳何者爲禍福不如兩相  
忘昨夢那可逐上書得自便歸老湖山曲躬耕二頃田  
自種十年木豈知垂老眼對此金蓮燭公子亦生還仍  
分刺史竹賢愚有定分尊俎守尸祝文章何足云執技  
等醫卜朝廷方西顧羌鹵驕未伏遙知重陽酒白羽落  
黃菊羨君真將家浮面氣可掬何當請長纓一戰河湟



復

史記魏其武安侯列傳天起舞屬丞相唐詩欲窮千里目更上一層樓杜子美詩  
旅食京華春尚書惟辟玉食又晉王濟傳麗服玉食按濟爲晉駙馬則於晉卿  
用之宜矣古樂府上有加飡食王注公自量移汝州表乞常州居住詔許之唐  
令狐綯傳爲學士承旨夜對禁中撤金蓮炬送還院按先生時爲學士嘗召對  
便殿宣仁撤御前金蓮燭送歸院或卽自述其事歟莊子逍遙游南人雖不治庖  
尸祝不越樽俎而代之矣漢司馬遷傳文又星歷近乎卜祝之間季白九日登巴  
陵置酒望洞庭水軍詩白羽落酒樽唐書袁天綱傳見實軌曰君方語氣浮入于  
大宅若將必多殺人願自戒漢書終軍傳願請長纓以羈南越王而致之闕下復  
河湟見本卷九

月十五日詩注

謝王澤州寄長松并簡張天覺二首

莫道長松浪得名能教覆額兩眉青  
便將徑寸同千尺知有奇功似伏苓

長松五臺山神草詳見本卷送張天覺詩註抱朴子松  
脂入地千年變爲茯苓神仙傳秀靈公餌茯苓得仙



憑君說與埋輪使速寄長松作解嘲

公自注張天覺詩有理及河東慳之語

無

復青黏和漆葉枉將鍾乳敵仙茅

漢揚雄傳或嘲以玄尚白而雄所之作解嘲三國華陀傳樊阿從佗求可服食益於人者佗授以漆葉青黏散注青黏一名地尸一名黃芝黏女廉反本草千斤鍾乳不若一斤仙茅

次韻劉貢父所和韓康公憶持國二首

夢覺真同鹿覆蕉相君脫屣自參寥  
顏紅底事髮先白室邇何妨人自遙  
狂似次公應未怪醉推東閣不須招  
援毫欲作衣冠表盛事終當繼八蕭

列子鄭人有薪於野者遇駭鹿擊而斃之藏諸墮中覆之以蕉俄而遺其所藏之處遂以爲夢順塗而詠其事傍有聞者用其言而取之薪者歸其後直夢藏之處又夢得之之主案所藏而尋得之遂訟而爭之歸之士師士師請二分之一以聞鄭君鄭君曰士師將妄矣分人鹿也相告乎出史記范雎傳子大夫而之其間



之參寥唐書蕭氏自瑀至遇八葉宰相  
名德相望與唐盛衰世有衣冠盛事圖

閉戶端居念獨深小軒朱檻憶同臨  
燎鬢誰識英公意黃髮聊知子建心  
已託西風傳絕唱且邀明月伴孤斟  
他時內集應呼我下客先拚醉墮簪

史記陸賈傳陳平常燕居深念陸生往請直入坐而陳丞相方深念不時見陸生  
陸生曰何念之深也唐李勣傳姪少蚤寡有疾自爲煮粥火燎其鬢曰吾與姊皆老  
矣能幾進之勣封英國公曹子建別白  
馬王彪詩王其愛玉體俱享黃髮期

### 次韻劉貢父叔姪扈駕

玉堂孤坐不勝清長羨枚鄒接長卿  
只許隔牆聞置酒時因議事得聯名  
機雲似我多遺俗廣受如君不治生  
共託屬車塵土後鈞天一餉夢中榮



司馬相如傳是時梁孝王來朝從鄒陽枚乘之徒相如見而說之因病免客遊梁得與諸侯遊士居杜子美詩隔屋喚西家借問有酒不牆頭過濁醪展席俯長流漢疏廣傳廣爲太傅兄子受爲少傅但移病歸子孫竊謂其昆弟老人勸說君買田宅廣曰賢而多財損其志愚而多財益其過漢司馬相如傳犯屬車之清塵應劭注大駕屬車八十一乘史記趙世家閻子夢與百神遊於鈞天廣樂九奏萬舞不似三代之樂其聲動人心韓退之詩雖得一餉樂

次韻韓康公置酒見畱

庭下黃花一醉同重來雪巘已穹窿不應屢被譏安石  
但使無多酌次公鍾乳金釵人似玉鵲絃鐵撥坐生風  
少卿尚有車茵在頗覺寬容勝弱翁

晉謝安傳字安石於土山營墅樓館林竹甚盛每攜中外子姪往來遊集肴饌亦屢費百金世頗以此譏焉而安殊不以屑意曰樂天戲贈牛僧孺詩鍾乳三千兩金釵十二行鵲絃鐵撥注屢見漢書丙吉字少卿車茵見第三卷廣陵三同舍詩注又魏相字弱翁爲人坦毅不如吉寬

次韻王都尉偶得耳疾



君知六鑿皆爲贅我有一言能決疣病客巧聞牀下蟻  
癡人強覩棘端猴聰明不在根塵裏藥餌空爲婢僕憂  
但試周郎看聾否曲音小誤已回頭

莊子大宗師彼以生爲附贅懸疣以死爲決疣潰癰韓子燕王好伎巧而人妄進  
曰臣能於棘刺之端造母猴三國吳周瑜傳精意于音樂雖三爵之後其有闕誤  
瑜必知之知之必顧故時謠曰曲有誤周郎顧

送喬仝寄賀君六首

并序

舊聞靖長官賀水部皆唐末五代人得道不死章  
聖皇帝東封有謁於道左者其謁云晉水部員外  
郎賀亢再拜而去上不知也已而閱謁見之大驚  
物色求之不可得天聖初又使其弟子喻澄者詣



闕進佛道像直數千萬張公安道與澄遊具得其  
事又有喬仝者少得大風疾幾死賀使學道今年  
八十益壯盛人無復見賀者而仝數見之元祐二  
年十二月仝來京師十許日予畱之不可曰賀以  
上元期我於蒙山又曰吾師嘗遊密州識君於常  
山道上意若喜君者作是詩以送之且作五絕句

以寄賀

端長官見十二卷送  
范景仁遊洛中詩注

君年二十美且都初得惡疾墮眉須紅顏白髮驚妻孥  
覽鏡自嫌欲棄軀結茅窮山啖松腴路逢逃秦博士盧  
方瞳照野清而癯再拜未起煩一呼覺知此身了非吾



炯然蓮花出泥塗隨師東遊渡維邦山頭見我兩輪朱  
豈知仙人混屠沽爾來八十胸垂胡上山如飛嗔人扶  
東歸有約不敢渝新年當參老仙儒秋風西來下雙鳧  
得棗如瓜分我無

詩國風洵美且都抱朴子上黨趙曜者病癩垂死其家乃送之山穴中有仙人行  
過穴口以囊藥賜之曜服百許日瘡愈顏色豐悅肌膚玉澤仙人曰此是松脂耳  
列仙傳盧敖為秦始皇博士使求神仙一去不返互見第五卷盧敖洞詩注王子  
年拾遺記老聃居山有父老五人方瞳玉面握清筠杖共談天地及五行之精列  
仙傳僊佺兩瞳更方維邦密州二水名補衡傳欲使我從屠沽兒輩也  
詩國風狼跋其胡注領下懸肉也杜子美詩上馬不用扶每扶必怒嗔

生長兵間蚤脫身晚為元祐太平人不驚渤澥桑田變  
來看龜蒙漏澤春

後漢光武紀生長兵間久厭武事柳子厚與蕭俛書朝夕歌謠使成文章雖不得  
位亦不虛為太平之人也太平廣記王遠傳麻姑云接待已來東海三為桑田詩



魯頌奄有龜蒙山志龜山在兗州泗水縣蒙山在沂州費縣寰宇記兗州泗水縣東北漏澤穴有五皆深二丈每春夏積水秋冬不過三日水皆盡

曾謁東封玉輅塵幅巾短褐亦逡巡行宮夜奏空名姓  
悵望雲霞縹緲人

周禮王之五輅一曰玉輅又車宮  
軒門帷宮旌門注天子行宮也

垂老區區豈爲身微言一發重千鈞始知不見高皇帝  
正似商山四老人

王注一發謂四皓對  
高祖太子仁孝之語

舊聞父老晉郎官已作飛騰變化看聞道東蒙有居處  
願供薪水看燒丹

東蒙卽蒙山一名東山南史陶潛傳送一力給其子曰今遭比力助  
女薪水之勞抱朴子金丹燒之愈久變化愈妙食之令人不老不死



千古風流賀季真最憐嗜酒謫仙人狂吟醉舞知無益  
粟飯藜羹問養神

李白憶賀監詩四明有狂客風流賀季真長安一相  
見呼我謫仙人再見莊子刻意篇此養神之道也

### 送家安國教授歸成都

家安國字復禮眉山博學舉進士不第後隨韓存寶征乞第得官

既而諸公舉之得成都教授故詩內  
有說劍橫經鋒鏑腥編簡香之句

別君二十載坐失兩鬢青吾道雖艱難斯文終典刑屢  
作退飛鷁羞看乾死螢一落戎馬間五見霜葉零夜談  
空說劍春夢猶橫經新科復舊貫童子方乞靈須煩凌  
雲手去作入蜀星蒼苔高朕室古柏文翁庭初聞編簡  
香稍覺鋒鏑腥岷峨有雛鳳梧竹養脩翎嗚呼應嶰律



飛舞集虞廷吾儕便歸老亦足慰餘齡

杜子美詩案頭乾死讀書螢莊子有說劍篇按通鑑元祐二年詔毋用王氏經義從呂公著請復制科詩中新科復舊貫指此後漢李卻傳和帝遣使徵服單行觀采風謠二使當到益部李卻指星云有二使星入益州分野高朕見第五卷監試呈同官詩注王注高朕室今府學古室文翁庭今有古柏處呂氏春秋黃帝使伶倫截解谷竹制十二簫聽鳳凰之鳴以爲律呂

和子由除夜元日省宿致齋三首

按除夜元祐二年丁卯元日三年戊辰也

江湖流落豈關天禁省相望亦偶然等是新年未相見

此身應坐不歸田

白髮蒼顏五十三家人遙遣試春衫朝回兩袖天香滿

頭上銀幡笑阿咸

杜子美詩朝罷香煙攜滿袖杜子美杜位宅守歲詩守歲阿咸家王注銀幡元日所賜者



當年踏月走東風坐看春闌鎖醉翁白髮門生幾人在  
卻將新句調兒童

次韻答張天覺二首

車輕馬穩轡銜堅但有蚊蚋喜撲緣截斷口前君莫問  
人間差樂勝巢仙

列子齊輯平轡銜之際蛟虫撲緣出莊子屢見李賀小傳天上差樂不苦也韓退之記夢詩口前截斷第二句綽虐顧我顏不歡乃知神仙未賢聖護短憑愚邀我敬我爲曲身世間安能從汝巢神仙

馭風騎氣我何勞且要長松作土毛亦如訶佛丹霞老  
卻向清涼禮白毫

傳燈錄丹霞禪師過慧林寺遇天大寒師取木佛燒火院主訶之師以杖子撥灰曰吾燒取舍利主曰木佛何有舍利師曰旣無舍利更取兩尊來燒院主自後眉



須墮落王注張天覺爲河東提刑行部至五臺山游清涼山時有神光也法華經世尊于靈山會上爲諸大衆說二十八品放眉間白毫相光照三千大千世界

次韻黃魯直畫馬試院中作

按年譜先生以元祐三年戊辰任翰林學士知貢舉

少年鞍馬勤遠行臥聞齟草風雨聲見此忽思短策橫  
十年髀肉磨欲透郡更陪君作詩瘦不如芋魁歸飯豆  
門前欲嘶御史驄詔恩三日休老翁羨君懷中雙橘紅

公自注黃

有老母

杜子美韋僊畫馬歌一匹齟草一匹嘶又詩知君苦思緣詩瘦芋魁飯豆注屢見後漢相典傳拜侍御史是時宦官秉權典執政無所回避常乘驄馬京師畏憚爲之語曰行行且止避驄馬御史宋故事省試官出院給假三日吳志陸績見袁術術出橘績懷三枚去拜辭墮地術謂曰陸郎作賓客而懷橘乎答曰欲歸遺母

余與李廌方叔相知久矣領貢舉事而李不得

第愧甚作詩送之

廌陽翟人少以文字見蘇子瞻子瞻喜之及知舉廌適就試意在必得廌以冠多士

及考章程文大喜以爲薦無疑遂以爲魁既拆號悵然出院以詩送薦

與君相從非一日筆勢翩翩疑可識平生謾說古戰場

過眼終迷日五色我慙不出君大笑行止皆天子何責

青袍白紵五千人知子無怨亦無德買羊沽酒謝玉川

爲我醉倒春風前歸家但草凌雲賦我相夫子非臞仙

唐李華傳嘗擬作弔古戰場文極意研確他日與蕭穎士讀之問誰可及答曰君加精思便能至矣華愕然信服李華國史補唐李程貞觀中試日五色賦破云德動天鑒祥開日華楊於陵覽之曰須作狀頭翌日無名於陵攜示主文曰場中有此侍郎何以待之曰非狀元不可於陵曰若如此侍郎已遺賢矣亟命取李程卷對之不差一字遂擢第一左傳成二年知罃對楚王曰無怨無德不知所報韓退之寄玉川子詩買羊酤酒謝不敏再見又紅芍藥歌花前醉倒歌者誰楚狂小子韓退之漢司馬相如傳列仙之儒居山澤間形容甚臞

### 和王晉卿送梅花次韻



自注自誤題目  
作曉春詩徑甚別

東坡先生未歸時自種來禽與青李五年不踏江頭路  
夢逐東風泛蘋芷江梅山杏爲誰容獨笑依依臨野水  
此間風物君未識花浪翻天雪相激明年我復在江湖  
知君對花三歎息

按未歸時指  
在黃州時也

和宋肇遊西池次韻

漢皇慈儉不開邊尚教千艘下瀨船貪看艨艟飛鬪艦  
不知鼉鼉舞鈞天故山西望三千里往事回思二十年  
自笑區區足官府不如公子散神仙

漢食貨志時粵欲與漢用船戰遂乃大修昆明池列館環之治樓船高十餘丈旗  
幟如其上西京雜記昆明池中有戈船樓船各數百艘漢武帝紀甲爲下積將軍

注瀨端也伍子胥書有下瀨船字吳志周瑜取蒙衝鬪艦十聯實以薪草同時舉火釋名外狹而長曰艨艟上下重板曰艦按艨艟蒙衝通吳都賦巨鼃鼃屬音備戲注云作力貌西京雜記昆明池刻石爲鯨魚每至雷雨魚嘗鳴吼鬣鬣皆動韓退之酌廬給事詩上界真人足官府豈如散仙鞭笞鸞鳳終日相追陪再見

施註蘇詩卷之二十六



施詩蘇詩卷之二十六

廿六

施註蘇詩卷之二十七

漫堂先生宋一榮

長洲顧嗣立

樸園先生張榕端

閱定 毗陵邵長蘅 刪補

商丘宋至

詩四十五首

時在翰林

書艾宣畫四首

圖畫見聞志艾宣鍾陵人工畫花竹翎毛

竹鶴

此君何處不相宜况有能言老令威誰識長身古君子  
猶將緇布緣深衣

劉禹錫竹詩依依似君子無地不相宜杜子美畫鶴詩低昂各有意磊落如長人  
禮記古者深衣蓋有制度以應規矩準繩權衡故先王貴之今云緇布緣深衣以



鶴之狀身白而黑緣於外也

黃精鹿

此鹿身外似楊柳用  
年根實物畫出子黃  
外又

太華西南第幾峰落花流水自重重  
幽人只採黃精去  
不見春山鹿養茸

本草黃精一名

鹿竹華山為多

杏花白鵲

天工剪刻為誰妍抱藥游蜂自作團  
把酒惜春都是夢  
不如閑客此閑看

仙客大雅

韓退之李花詩剪刻作此連天花楊文公談苑李昉畜五禽皆以客名白鵲曰閑  
客鷺曰雪客鶴曰仙客孔雀曰南客鸚鵡曰隴客昉畫為五客圖各為詩五章杜  
牧之詩願為  
閑客此閑行

蓮龜

半脫蓮房露壓欹綠荷深處有遊龜只應翡翠蘭苔上  
獨見玄夫曝日時

抱朴子千歲龜巢如蓮葉杜子美漫興詩或看翡翠蘭苔上未掣鯨魚碧海中沈懷遠南越志宋元君夢玄元大夫神之龜也韓退之詩再拜謝玄夫收悲以歡

僕領貢舉未出錢穆父雪中作詩見及三月二  
十日同游金明池始見其詩次韻爲答

雪知我出已全消花待君來未敢飄行避門生時小飲  
忽逢騎吏有嘉招魚龍絕技來千里斑白遺民數四朝  
知有黃公酒壚在蒼顏華髮自相遙

唐傳記有行行避門生之語漢西域傳贊作漫衍魚龍角抵之戲以觀視之晉王戎傳嘗經黃公酒壚下顧後車客曰昔與嵇阮酣暢於此自嵇阮云亡吾爲時之



所羈繼今日視之雖  
近邈若山河再見

次韻子由五月二日同轉對

元祐三年五月一日公以翰林學士兼侍讀文定以

戶部侍郎同對先是公發策試廖正一館職問王莽曹操事侍御史王明叟觀奏論以為非是韓川趙挺之亦攻之公屢疏丐去故詩有憂患半生歸休上策云云結用趙堯事言事官中必有所指也

跪奉新書笏在腰談王正欲伴耕樵晉陽豈為一門事  
宣政聊同五月朝憂患半生聯出處歸休上策蚤招要  
後生可畏吾衰矣刀筆從來錯料堯

漢揚雄傳士有不談王道者樵夫笑之唐溫大雅傳高祖初大雅與弟彥博對掌華近帝曰我起晉陽為卿一門耳唐書賈元中詔自今五月一日御宣政殿與文武百僚相見漢周昌傳趙堯為符璽御史趙人方與公謂昌曰君之史趙堯奇士是且代君之位時昌為御史大夫笑曰堯年少刀筆吏耳何至是乎屠頃之昌為趙相堯遂代之

韓康公挽辭三首

韓康公名絳字子華已見七卷石涼莊詩注

故國非喬木與王有世臣嗟予後死者猶及老成人德業經文武風流表措紳空餘行樂地處處泣遺民

晉樂廣傳天下言風流者謂王樂爲稱首史記五帝紀薦紳先生難言之徐廣曰薦紳卽措紳也古字假借

再世忠清德三朝翊贊勲功成不歸國就訪敢忘君舊學嚴詩律餘威靖塞氛何當繼韓奕故吏總能文

王注三朝康公所歷英宗神宗及哲宗也王討韓奕尹吉甫美先王也能錫命諸侯按公墓誌知慶州日熟羌據堡爲亂公出兵討平之故有餘威靖塞氛句

西第開東閣初筵點後塵笙歌邀白髮燈火樂青春扶路三更罷回頭一夢新賦詩猶墨濕把卷獨沾巾

後漢馬融傳爲賓憲作西第頌漢公孫弘傳爲相開東閣以延賢人詩小雅賓之初筵左右秩秩張景陽七命余雖不敏請從後塵晉羊曇嘗因石頭大醉扶路唱



樂見謝  
安傳

柏石圖詩 并引

陳公弼家藏柏石圖其子慥季常傳寶之東坡居士作詩以爲之銘

柏生兩石間天命本如此雖云生之艱與石相終始韓子俯仰人但愛平地美土膏雜糞壤成壤幾何耳君看此槎牙豈有可移理蒼龍轉玉骨黑虎抱金柅畫師亦可人使我毛髮起當年落筆意正欲譏韓子

韓退之詩柏生兩石間萬歲終不大又詩柏移就平地柏有傷根容周易繫於金柅貞吉三國蜀費禕傳來敏曰君信可人必能辦賊

慶源宣義王丈以累舉得官爲洪雅主簿雅州

戶掾遇吏民如家人人安樂之旣謝事居省之  
青神瑞草橋放懷自得有書來求紅帶旣以遺  
之且作詩爲戲請黃魯直秦少游各爲賦一首  
爲老人光華

青衫半作霜葉枯遇民如兒吏如奴吏民莫作官長看  
我是識字耕田夫妻號兒號刺史怒時有野人來挽須  
拂衣自注下下考芋魁飯豆吾豈無歸來瑞草橋邊路  
獨游還佩平生壺慈姥巖前自喚渡青衣江畔人爭扶  
今年蠶市數州集中有遺民懷袴襦邑中之黔相指似  
白髯紅帶老不癯我欲西歸卜鄰舍隔牆拊掌容歌呼



不學山王乘駟馬回頭空指黃公壚

韓退之進學解冬暖而兒號寒年豐而妻號飢按蘇叔黨作王元直墓表云初季父慶源官於雅州以論事不合取官長怒謝病去詩中云刺史怒即指此唐陽城傳爲道州刺史當上考功第自署曰撫字心勞催科政拙考下下芋魁飯豆用漢翟方進傳語屢見杜牧之獨酌詩獨佩一壺游秋毫太山小慈姥巖青衣江皆在青神縣成都記蠶叢氏每春勸民農桑但鬻蠶具設之蠶市又詳一卷和子由蠶市詩注左傳襄十七年宋皇國父爲平公築臺子罕請俟農功之畢築者詎曰澤門之哲實與我役邑中之黔實慰我心杜預曰子罕黑色而居邑中韓退之崔十六少府詩賃屋住連牆往來欣莫閒隔牆聞謹呼衆口極鵝雁南史顏延年傳作五君詠以述竹林七賢山濤王戎以貴顯被黜世說王戎爲尚書令著公服乘輅經黃公酒壚互詳本卷

次韻許沖元送成都高士敦鈴轄

高士敦字仲穆名將瓊之孫

移中老監本虛名懶作燕山萬里行

公自注余昔與高同使契丹辭免不行

坐看

飛鴻迎使節歸來駿馬換傾城高才本不緣勲閥餘力

還思沿蜀兵西望雪山烽火盡不妨樽酒寄平生



漢蘇武傳以父任爲郎稍遷至移中廐監漢車千秋傳無閼閼功勞  
顏師古曰伐積功也杜子美哀嚴武詩公來雪山重公去雪山輕

次前韻送程六表弟

二十四卷有送表弟程六知  
楚州詩此詩送漕江西也

君家兄弟真連璧門十朱輪家萬石竹使猶分刺史符  
尚方行賜尚書舄前年持節發倉廩到處賣刀收璽粟  
歸來閉口不論功卻走渡江誰復惜君才不用如澗松  
我老得全猶社櫟青衫莫厭百僚底白首上有千薪積  
憶昔江湖一釣舟無數雲山供點筆未應便障西風扇  
只恐先移北山檄憑君寄謝江南叟念我空見長安日  
浮江沂蜀有成言江水在此吾不食

連璧用夏侯湛與潘岳同輿事再見漢楊惲傳家方隆盛時乘朱輪者十人石奮  
傳奮及四子皆二千石號萬石君漢汲黯傳持節發河內倉粟以濟貧民賣刀用



漢龔遂賣刀買犢事禮記祭天地之牛角釭粟漢丙吉傳絕口不道前恩故朝廷莫能明其功左思詠史詩鬱鬱澗底松離離山上苗以彼徑寸莖蔭此百尺條世胄躡高位英俊沈下僚地勢使之然由來非一朝再見莊子人間世匠石之齊至於曲轅見櫟社樹其大蔽牛絜之百圍匠伯不顧曰是不材之木也無所可用故能若是之壽杜子美狄明府詩有才無命百僚底漢汲黯傳陛下用羣臣如積薪耳後來者居上障扇用王導事北山孔稚圭文並再見後漢岑彭傳光武曰河水在此吾不食言

和王晉卿題李伯時畫馬

督郵有良馬不爲君所奇顧收紙上影駿骨何由歸一朝見繁策蟻封驚肉飛豈惟馬不遇人已半生癡

晉王湛傳兄子濟有從馬絕難乘濟問湛曰叔頗好騎否湛曰亦好之因騎此馬姿容既妙迴策如繁善騎者無以過又濟所乘馬甚愛之湛曰此馬雖快然力薄不堪苦行近見督郵馬當勝但芻秣不至耳濟試之與已馬等湛又曰此馬任重方知平路無以別也於是當蟻封內試之濟馬果躡而督郵馬如常湛初有識度兄弟宗族皆以爲癡濟聞湛剖析玄易微妙有奇趣歎曰家有名士三十年而不知濟之罪也武帝亦以湛爲癡嘗謂濟曰卿家癡叔死未至是對曰臣叔不癡因

稱其美後漢祚者莫傳遠夷樂  
德歌云昌樂肉飛屈伸悉修

# 送錢穆父出守越州二首

錢穆父名勰事見二十四卷次  
韻錢穆父詩穆父以龍圖閣待

制權知開封府坐奏獄空不實  
出知越州時元祐三年九月也

簿書常苦百憂集樽酒今應一笑開京兆從教思廣漢

## 會稽聊喜得方回

漢趙廣漢傳爲京兆尹廉明威制豪強小民得職百姓追思歌之至  
今晉郗愔傳字方回遷太常固讓不拜樂補遠郡出爲會稽內史

若耶谿水雲門寺賀監荷花空自開我恨今猶在泥滓

## 勸君莫棹酒船回

杜子美詩若耶谿雲門寺吾獨何爲在泥滓李太白對酒憶賀監詩敕賜鏡湖水  
爲君臺沼榮人亡餘故宅空有荷花生又重憶賀監詩稽山無賀老卻棹酒船回  
再見



戲書李伯時畫御馬好頭赤

山西戰馬飢無肉夜嚼長稽如嚼竹蹏間三丈是徐行  
不信天山有坑谷豈如廐馬好頭赤立仗歸來臥斜日  
莫教優孟卜葬地厚衣薪槨入銅歷

戰國策秦馬之良探前跌後蹏間三尋騰者不可勝數再見史記滑稽傳楚莊王欲以大夫禮葬愛馬左右爭之不可優孟曰以大夫禮葬之薄請以人君禮葬之王曰寡人之過一至此乎爲之奈何孟曰請爲大王以壠竈爲梓銅歷爲棺齎以姜棗薦以木蘭祭以粳稻衣以火光葬之於人腹腸於是王使以馬屬大官詩大雅薪之槨之

送程七表弟知泗州

程七表弟名之邵字懿叔

江湖不在眼塵土坐滿顏繫舟清洛尾初見淮南山淮  
山相媚好曉鏡開煙鬟持此娛使君一笑簿領閒使君

名臣四世生坊 善子孫  
名臣四世生坊 善子孫  
名臣四世生坊 善子孫

如天馬朝燕暮荆蠻時無王良手空老十二閑聊當出

毫末化服狡與頑勿謂無人知古佛臨濤灣一作赤子視

萬類流萍閱人寰但使此可人餘事真茅薢

王注泗州大聖塔臨泗水舟人往來與居人所禱立  
應古佛清灣指此可人用桓溫傳經王敦募語已見

### 送曹輔赴閩漕

曹輔字子方海陵人元豐間為鄜延路經畧司  
勾當公事故有往來戎馬詩成橫槩之句後提

點廣西刑獄先生在惠數有往來書帖元祐黨  
禍諸賢多在巡丙子方周恤備至士論與之

曹子本儒俠筆勢翻濤瀾往來戎馬間邊風裂儒冠詩

成橫槩裏楯墨何曾乾一旦事遠游紅塵隔巖灘平生

羊炙口

並

普晨反海搜鹹酸

一從荔支飲

一作食

豈念苜蓿槃我

亦江海人市朝非所安常恐青霞志坐隨白髮闌淵明



賦歸去談笑便解官今我何爲者索身良獨難憑君問  
清淮秋水今幾竿我舟何時發霜露日已寒

舊唐書杜甫傳元稹曰建安之後曹氏父子鞍馬間爲文往往橫槊賦詩北史荀  
濟潁川人與梁武帝爲布衣交而負氣不服謂人曰會楯鼻上磨墨作檄文江文  
通恨賦鬱青霞之奇意入修夜之不暘白樂天詩不病何由索得身

次韻王郎子立風雨有感

王子立名適趙郡臨城人祖忠  
穆公禮知樞密院父正路知濮

州東坡守徐子立爲州學生喜怒不見得喪若一日是有類子由故  
以其子妻之後子由謫官同其有無講道著書元祐四年卒年三十五

百年一俯仰寒暑相主客稍增衰褐氣已覺團扇厄不  
須計榮辱此喪彼有獲我琴終不敗無攪故無醪後生  
不自收呻吟吟空挾策振苗不待長賣菜苦求益此郎獨  
靜退門外無行迹但恐陶淵明每爲飢所迫淒風弄衣

結小雪穿門席願君付一笑造物亦戲劇朝來賦雲夢  
筆落風雨疾爲君裁春衫高會開桂籍

盧謏贈劉琨詩瞻彼日月迅過俯仰攢用史記鄒忌子語再見莊子列御寇鄭人緩也呻吟裘氏之地祗三年而緩爲儒又駢拇篇問臧奚事則挾策讀書皇甫謐高士傳司徒侯霸遣侯子道奉書嚴光子道求報光口授之使者嫌少可更足之光曰賣菜乎求益也唐房玄齡傳高孝基口僕觀人多矣未見有如此郎者陶淵明歸去來引余家貧耕植不足以自給兼稚子盈室餅無儲粟家叔以余貧苦遂見用爲邑少日眷然有歸歟之情何則飢凍雖切違已交病荀子鶉衣百結如懸漢司馬相如賦楚有七澤其一曰雲夢再見杜子美寄李白詩筆落驚風雨詩成泣鬼神

次韻黃魯直嘲小德小德魯直子其母微故其

詩云解著潛夫論不妨無外家

後漢王符傳符無外家隱居著書譏當時失得

號潛夫論

進饌客爭起小兒那可涯莫欺東方星三五自橫斜



駒已汗血老蚌空泥沙但使伯仁長還興絡秀家

晉裴秀傳母賤嫡母宣氏不之禮嘗使進饌於客見者皆為之起秀母曰微賤如此當應為小兒故也毛詩小星惠及下也夫人無妒忌之行惠及賤妾進御於君知其命有貴賤能盡其心矣其詩曰嘒彼小星三五在東注云嘒微貌小星衆無名者三心五嚙四時更見三輔決錄孔融見韋元將與其父書曰不意明珠生於老蚌蔡邕青衣賦金生砂礫珠出蚌泥歎此窈窕產於卑微列女傳周顗母李氏字絡秀嘗謂顗曰我屈節為汝家妾門戶計耳汝不與我家為親親者吾亦何惜餘年顗從命由是李氏遂得為方雅之族顗字伯仁

書林次中所得李伯時歸去來陽關二圖後林

中名日時為右司郎中伯時號龍眠居士

不見何戡唱渭城舊人空數米嘉榮龍眠獨識殷勤處  
畫出陽關意外聲

劉禹錫贈米嘉榮詩唱得陽關意外聲舊人惟數米嘉榮又歸京聞何戡歌舊人惟有何戡在更與殷勤唱渭城嘉榮戲元和樂人也本事詩與盧氏雅說小異

二詩皆市井歌不淫  
洋集未錄王可刑力知校  
公也石能歌但王以此為  
身之命耳

兩本新圖寶墨香樽前獨唱小秦王爲君翻作歸來引  
不學陽關空斷腸

曲譜小秦王入腔卽陽關也按先生有歸去來引傳於世亦名哨遍

### 送蹇道士歸廬山

物之有知蓋恃息孰居無事使出入心無天游室不空  
六鑿相攘婦爭席法師逃人入廬山中無人自往還  
往者一空還者失此身正在無還間綿綿不絕微風裏  
內外丹成一彈指人間俯仰三千秋騎鶴歸來與子游

莊子外物篇物之有知者恃息其不股非天之罪又天運篇孰居無事而推行是孰居無事淫樂而勸是孰居無事而披拂是又天游六鑿屢見又寓言篇其往也舍者避席其反也舍者與之爭席矣無還出楞嚴經再見老子綿綿若存用之不勤按道家以烹鍊金石爲外丹龍虎胎息吐故納新爲內丹楞嚴經惟以空寂修



於滅盡身心乃能度  
百千劫猶如彈指

臥病逾月請郡不許復直玉堂十一月一日鎖  
院是日苦寒詔賜官燭法酒書呈同院

微霰疎疎點玉堂詞頭夜下攬衣忙分光玉燭星辰爛  
拜賜宮壺雨露香醉眼有花書字大老人無睡漏聲長  
何時卻逐桑榆暖社酒寒燈樂未央

謝惠連雪賦微霰集密雪下  
桑榆暖用薛令之事屢見

送周朝議守漢州

五代孟氏竊據蜀土國用褊狹始有推茶  
之法藝祖平蜀能去一切橫斂茶遂無禁

熙寧初王安石呂惠卿相繼秉政邊事寢興以財用爲急七年李  
杞以三司判官提舉成都等路茶事初立茶法一切禁止民間私  
買後一歲杞以疾奉祠都官郎中劉佐繼杞爲提舉而益病矣侍  
御史周尹言成都府路置場推買諸州茶盡以入官最爲公私之

害初李杞倡行敝法劉佐攘代其任無他方術惟害於下而人不聊生矣臣受命入蜀乃知爲害甚鉅有知彭州呂陶知蜀州吳司孟等奏可以參驗往者杞佐繼陳苛法卽信川其言今議者條其刑蠹悉皆明白未卽采聽乞罷摧茶之法許通商買賣以安遠方尹還未至都坐是除提點湖北路刑獄元豐二年四月李稷言自摧茶法行至元年秋凡一年通計課利已支見在凡七十六萬緡上批稷能推原法意日就事功宜速遷擢以勸在位稷自蜀擢陝西轉運使助成伐夏之役督餉出境從給事中徐禧城永樂爲夏人所圍遂與將士俱沒元祐初蘇子由在諫省及西掖極論之稍去其害詩云茶爲西南病岷俗記二李者謂此也

茶爲西南病岷俗記二李

公自注謂杞與稷也

何人折其鋒矯矯六

君子

公自注謂思道與姪正孺張永徽吳醇翁呂元鈞宋文輔也

君家尤出力流落初坐此謂

當收桑榆華髮看劍履胡爲犯雨雪歲晚行未已念歸誠得計顧自爲謀耳吾聞江漢間瘡痍有未起莫輕龔遂老君王付尺箠召還當有詔挽袖謝鄰里猶堪作水



# 衡供張園林美

後漢馮異傳異破赤眉光武賜璽書曰始雖垂翅回谿終能奮翼屯池可謂失之東隅收之桑榆漢龔遂傳宣帝卽位久之渤海盜賊竝起上選能治者丞相御史舉遂爲太守時遂年七十餘召見形貌短小宣帝望不副所聞心內輕焉聞遂對云云甚說至渤海盜賊悉平數年上徵遂以年老不任公卿拜爲水衡都尉水衡典上禁苑其張宮館爲宗廟取牲官職親近上甚重之以官壽卒後漢鄧禹傳帝敕禹曰赤眉來東吾折捶笞之已見韓退之送張道士詩豈無一尺筆爲國答羗夷

木山

并引

吾先君子嘗蓄木山三峰且爲之記與詩詩人梅  
二丈聖俞見而賦之今三十年矣而猶子千乘又  
得五峰益奇因次聖俞韻使并刻之其側

附梅聖俞  
詩空山枯

楠大蔽牛霹靂夜落魚鳧洲魚鳧水射幾千秋蠹肌爛髓沙蕩流惟存  
堅骨蛟龍鏤形侔三山中雄酋左右兩峰相挾翼尊奉君長無慢尤蘇  
夫子見之驚且喜買與谿叟憑貂裘因嗟大不爲梁棟  
又歎殘不爲薪樵雨侵藓磴得石瘦宜與夫子歸隱丘

疎：唐、柳、松、上、極、見、此

前子約押得例

柳子諱亮也作

水生不願回萬牛願終天年仆沙洲時來幸逢河伯秋  
掀然見怪推不流蓬婆雪嶺巧彫鏤蟄蟲行蟻爲豪酋  
阿咸大膽忽持去河伯好事不汝尤城中古沼浸坤軸  
一林瘦竹吾菟裘二頃良田不難買三年檀木行可櫨  
會將白髮對蒼巘魯人不厭東家丘

杜子美古柏行大厦如傾要梁棟萬牛回首丘山重莊子人間世未終天年而中  
道夭於斤斧此材之患也杜軍城早秋詩已收滴博雲間成更奪蓬婆雪外城蓬  
婆雪嶺蜀所近吐蕃之山名行蟻音行列  
之行又南池詩安知有蒼池萬頃浸坤軸

### 送千乘千能兩姪還鄉

治生不求富讀書不求官譬如飲不醉陶然有餘歡君  
看龐德公白首終泥蟠豈無子孫念顧獨遺以安鹿門



上冢回牀下拜龍鸞躬耕竟不起耆舊節獨完  
汝少多難冰雪落綺紈五子如一人奉養真色難烹鷄獨饋  
母自饗苜蓿槃口腹雖累人寧我食無肝西來四千里  
敝袍不言寒秀眉似我兄亦復心閑寬忽然捨我去歲  
晚畱餘酸我豈軒冕人青雲意先闌汝歸蒔松菊環以  
青琅玕橙陰三年成可以挂吾冠清江入城郭小圃生  
微瀾相從結茅舍曝背談金鑾

晉陶侃傳每飲酒有定限常歡有餘而限已滿後漢龐德公事屢見杜子美遣興  
詩昔者龐德公未嘗入州府襄陽耆舊間處士節獨苦後漢郭太傳見陳畱茅容  
異之遂與之言因請寓宿旦日容殺鷄爲饌太謂爲已設旣而以供其母自以草  
蔬與客同飯太起拜之曰賢哉因勸令學卒以成德後漢閔仲叔客居安邑老病  
家貧不能得肉日買猪肝一片屠者或不官與安邑令聞敕吏常給焉仲叔知乃  
歎曰閔仲叔豈以口腹累安邑耶遂去帝三國志蜀秦宓答王商書云僕得累昔

乎隴畝之中誦顏氏之簞瓢詠原憲之蓬戶翰  
林志翰林院與金鑾殿相接故學士號金鑾

# 送周正孺知東川

周正孺名尹任御史坐言茶事外補事見  
本卷送周朝議詩註後呂微仲丞相典領

錄見正孺爲御史日所言事歎曰君子哉斯人也因言  
於上除直秘閣在東川人安其政願復借畱詔許之

得郡書生榮還家昔人重而况東西川千騎許上冢里  
門下車入父老且驚聳端知何武賢不事長卿寵清時  
養材傑杞梓方培擁未應遺合抱取用及把拱如君尚  
出麾顧我宜耕壟告歸謝先手求去悔不勇豈云慕廉  
退實自知衰冗爲君掃棠陰畫像或相踵

公自注蜀中太守無不畫像者

韓退之贈崔復州序大丈夫官至刺史亦榮矣後漢岑彭傳南還津鄉有詔過家  
上冢漢石奮傳少子內史慶醉歸入外門不下車萬石君聞之不食慶肉袒謝請  
罪萬石君曰內史貴人入閭里中長老皆走匿而內史坐車中自如固當迺謝罷  
慶後慶及諸子入里門趨至家漢何武傳蜀郡郫縣人也弟顯家有市籍租常不



入縣課畱夫求商捕辱顯家武曰以吾家租賦繇役不爲衆先奉公吏不亦宜乎卒白太守召商爲吏州里皆服焉長卿寵已見前卷次韻王定國倅揚州詩注左傳襄二十六年如杞梓皮革自楚往也雖楚有材晉實用之韓退之送張道士詩況當營都邑杞梓用不疑顏延年五君詠屢薦不入官一麾乃出守

題李伯時畫趙景仁琴鶴圖二首

趙景仁名帆清獻公之子已見十五

卷詩  
註

清獻先生無一錢故應琴鶴是家傳誰知默鼓無絃曲  
時向珠宮舞幻仙

公撰趙清獻公神道碑云自成都召還上謂公聞卿匹馬入蜀以一琴一鶴自隨爲政簡易亦稱是耶鮑明遠舞鶴賦偉胎化之仙禽黃庭經閑居藥珠作七言琴心三疊舞胎仙再見

醜石寒松人易親聊將短曲調長人乘軒故自非明眼  
終日傲傲舞豐薪



毛詩屢舞傲傲後漢蔡邕傳吳人有燒桐以爨者邕聞火烈之聲知其良木因請裁為琴果有美音而其尾猶焦故時人名曰焦尾琴

### 次前韻再送周正孺

東川得望郎坐與西爭重高風傾石室舊學鄙文家自公

注劉蛻文家銘在梓州

蜀人安使君所至野不聳竹馬迎細侯大錢送

劉寵遙知句谿路老稚相扶擁看畫古叢祠百怪朝幽拱牛頭與兜率雲木蔚堆壠醉鄉追舊游筆陣賈餘勇聊將詩酒樂一掃簿書冗西風吹好句珠玉本無踵

李義山詩望郎臨古郡華陽國志文翁在蜀立講堂作石室唐劉蛻文家銘序云文冢者長沙劉蛻復思為文不忍棄其草聚而封之也竹馬後漢郭伋事伋字細侯已見後漢劉寵傳為會稽太守徵為將作大匠山陰五六老叟齎百錢以送寵為人選一大錢受之牛頭兜率梓州二寺老杜皆有詩王績醉鄉記晉黃帝氏嘗獲游其都阮嗣宗陶淵明十數人並遊於醉鄉沒身不返杜子美醉歌行筆陣獨掃千人軍左傳成二年欲勇者賈余餘勇會稽典錄孔融與曹公書云珠玉無踵



而自至者以人好之也況賢者之有足乎再見韓詩外傳蓋胥謂平公曰  
珠出於海玉出於山無足而至者君好之也士有足而不至者君不好也

書王定國所藏煙江疊嶂圖

公自注王  
晉卿畫

江上愁心千疊山浮空積翠如雲煙山耶雲耶遠莫知  
煙空雲散山依然但見兩崖蒼蒼暗絕谷中有百道飛  
來泉縈林絡石隱復見下赴谷口爲奔川川平山開林  
麓斷小橋野店依山前行人稍度喬木外漁舟一葉江  
吞天使君何從得此本點綴毫末分清妍不知人間何  
處有此境徑欲往買二頃田君不見武昌樊口幽絕處  
東坡先生畱五年春風搖江天漠漠暮雲卷雨山娟娟  
丹楓翻鴉伴水宿長松落雪驚醉眠桃花流水在人世

云情切景切事切

留唐之物能事化境

武陵豈必皆神仙江山清空我塵土雖有去路尋無緣  
還君此畫三歎息山中故人應有招我歸來篇

唐張說江上愁心賦江上之峻山今鬱崎嶇而不極雲爲風兮煙爲色歟變態兮  
心不識陶峴詩鴉翻楓葉夕陽動鷺立荷花秋水明杜子美詩水宿鳥相呼又禽  
經云凡禽林曰棲水曰宿韓退之桃花源圖歌神仙有無何渺茫桃源之說誠荒  
唐世俗那知僞與真至今傳者武陵人陶淵明桃源記武陵人既出詣太守說如  
此太守卽遣人隨往  
尋遂迷不復得路

次韻王定國會飲清虛堂

王定國名鞏  
常通守揚州

何遜揚州又幾年官梅詩興故依然何人可復閒季孟  
與子不妨中聖賢卜築君方淮上郡歸心我已劍南川  
此身正似蠶將老更盡春光一再眠

杜子美詩東閣官梅動詩興還如何遜在揚州按何遜揚州事史傳不載載蜀本  
杜注已見晉王湛傳武帝問王濟曰湛誰比濟曰山濤以下魏舒以上湛聞笑曰



欲處我以季孟之間乎三國魏徐邈傳醉客以清酒爲聖人濁酒爲賢人再見九域志成都府劍南西川節度李太白寄二稚子詩吳地桑葉落吳蠶已三眠

興龍節侍宴前一日微雪與子由同訪王定國  
小飲清虛堂定國出數詩皆佳而五言尤奇子  
由又言昔與孫巨源同王定國感念存沒悲歎  
久之夜歸稍醒各賦一篇明日朝中以示定國  
也

天風淅淅飛玉沙詔恩歸沐休早衙遙知清虛堂裏雪  
正似薜蘿林中花出門自笑無所詣呼酒持勸惟君家  
踏冰凌兢戰疲馬扣門剝啄驚寒鴉羨君五字入詩律  
欲與六出爭天葩頭風已倩檄手愈背癢卻得仙爪爬

銀鉶瀉油浮螳酒紫盃鋪粟盤龍茶幅巾起作鸛鵒舞  
疊鼓誰摻漁陽撾九衢燈火雜夢寐十年聚散空咨嗟  
明朝握手殿門外共看銀闕瞰晨霞

韓詩外傳凡草木花多五出雪花獨六出酉陽雜俎梔子花六出相傳卽西域薝  
蔔花也韓退之出門詩長安百萬家出門無所之又詩今日到君家呼酒持勸君  
揚雄甘泉賦馳聞闔而入凌兢注云寒涼戰栗之處三國魏王粲傳陳琳嘗草檄  
呈太祖太祖先苦頭風讀之翕然而起曰此愈我病神仙傳麻姑十似鳥爪蔡經  
心念背癢時此爪爬大佳王方平知之卽鞭之曰麻姑神人汝何忽謂其爪可爬  
背乎杜牧之讀韓杜集詩杜詩韓筆愁來讀似倩麻姑癢處爬曹植七畧雕觴浮  
蟻釋名酒有汎齊浮蟻在上汎汎然晉謝尚傳王導有勝會謂尚曰聞能作鸛鵒  
舞一坐傾想寧有此理不尚曰佳便著衣憤而舞導令坐者撫掌擊節尚俯仰在  
中旁若無人後漢禰衡傳曹操聞衡善擊鼓召爲鼓吏因大會賓客衡爲漁陽摻  
操蹀躞而前容態有異聲節悲壯聽者莫不慷慨史記曰者傳宋忠見賈誼於殿  
門外乃相引屏語史記封禪書三神山金銀  
爲宮闕楚辭九歌歌將出兮東方竝已見

### 王晉卿所藏著色山二首



信穠形似可以協此全張  
署畫轉以去實本飲  
淺之征寄收殊深

縹緲營丘水墨仙。浮空出沒無間爾。來一變風流盡  
誰見將軍著色山。

畫錄李成營丘人也工山水世號李營丘名畫記李思訓父子畫稱

時思訓官至左武衛人將軍世言山水者稱大李將軍小李將軍

犖确何人似退之意。行無路欲從誰宿。雲解駁晨光漏。

獨見山紅澗碧時。

韓愈南海神廟魂雲陰解駁日光穿漏又韓詩山石犖确行徑

微黃昏到寺蝙蝠飛又山紅澗碧紛爛熳時見松楸皆十圍

次韻黃魯直效進士作歲寒知松栢詩

龍螭雖高臥鷄鳴不廢時。炎涼徒自變茂悅兩相知已。

負棟梁質實爲兒女姿。那憂霜貿貿未喜日遲遲。難與

夏蟲語。永無秋實悲。誰知此植物亦解秉天彝。

陸士衡歎逝賦信松茂而栢悅嗟芝焚而蕙歎韓退之琴操雪霜買買薺麥之茂  
莊子秋水篇夏蟲不可以語於冰者篤於時也三國魏邢顗傳採庶子之春華忘  
家丞之秋實吳諸葛恪傳注虞喜志林曰樂春藻之繁華忘秋實之甘口周禮  
大司徒以土會之法辨五地之物生一曰山林其動物宜毛物其植物宜阜物

王晉卿作煙江疊嶂圖僕賦詩十四韻晉卿和  
之語特奇麗因復次韻不獨紀其詩畫之美亦  
爲道其出處契濶之故而終之以不忘在莒之  
戒亦朋友忠愛之義也

山中舉頭望日邊長安不見空雲煙歸來長安望山上  
時移事改應潛然管絃去盡賓客散惟有馬埒編金泉  
渥注故自千里足要飽風雪輕山川屈居華屋啗棗脯  
十年俯仰龍旂前卻因瘦病出奇骨鹽車之厄寧非天



風流文采磨不盡水墨自與詩爭妍畫山何必山中人  
田歌自古非知田鄭虔三絕君有二筆勢挽回三百年  
欲將巖谷亂窈窕睂峰修嫵誇連娟人間何有春一夢  
此身將老蠶三眠山中幽絕不可久要作平地家居仙  
能令水石長在眼非君好我當誰緣願君終不忘在莒

樂時更賦囚山篇

公自注柳子厚有囚山賦

李太白登鳳凰臺詩總爲浮雲能蔽日長安不見使人愁晉王濟傳性豪侈洛京地貴濟買地爲馬埒編錢滿之時謂爲金埒史記滑稽傳楚莊王有愛馬衣以文繡置之華屋之下席以露牀唱以棗脯杜子美丹青引英雄割據雖已矣文采風流今尚存唐鄭虔傳嘗自寫其詩畫以獻玄宗大署其尾曰鄭虔三絕漢外戚傳孝武李夫人卒上作賦以傷悼曰美連娟以修嫵兮劉向新序齊桓公與管仲飲管仲上壽曰願君無忘出奔於莒也臣亦無忘縛束於魯也柳子厚囚山賦聖日以理兮賢日以進誰使山之囚吾兮滔滔

夜直玉堂攜李之儀端叔詩百餘首讀至夜半

書其後

元子城居楊其亦云內  
萬家持得佳如大澤

玉堂清冷不成眠伴直難呼孟浩然暫借好詩消永夜

每逢佳處輒參禪愁侵硯滴初含凍喜入燈花欲鬪妍

寄語君家小兒子他時此句一時編

西京雜記漢廣川王上公疾好發家公靈公家得玉蟾蜍一枚大如拳腹空容五合

水王取以盛書滴白樂天劉白唱和集叙命小姪龜兒編錄成兩卷仍寫二本一

付夢得小兒倫郎

各令收藏兩家集

范景仁和賜酒燭詩復次韻謝之公自注時公方進新樂

笙磬分均上下堂游魚舞獸自奔忙朱絃初識孤桐韻

公自注舊樂金石聲高而絲聲微今樂金石與絲聲皆著玉瑄猶聞柜黍香公自注舊法以尺生律今以黍定律以律生尺



萬事今方咨伯始一斑我亦媿真長此生會見三雍就  
無復遼遼歎未央

尚書疏堂上之樂皆受箏均堂下之樂皆受瑟均荀子瓠巴鼓瑟游魚出聽列子  
瓠巴鼓琴而鳥舞魚躍尚書擊石拊石百獸率舞杜子美石犀行再平水土犀奔  
忙續仙傳王母獻白玉瑤云吹之以和天風尚書大傳亦云漢律曆志度者本起  
黃鍾之長以子穀秬黍中者後漢胡廣傳字伯始達練事體明解朝章京師諺曰  
萬事不理問伯始再見晉王獻之傳觀門生携捕曰南風不競門生曰此郎亦管  
中窺豹時見一斑獻之怒曰遠慙荀奉倩近媿劉真長拂衣而去漢河間獻王傳  
武帝時獻雅樂名對三雍宮後漢儒林傳建武五年修起太學中元元年初  
建三雍明帝即位親行其禮後漢梁鴻作五噫之歌曰遼遼未央兮噫再見

次韻劉貢父春日賜幡勝

寬詔隨春出內朝三軍喜氣挾狐貂鏤銀錯落翻斜月  
剪綵繽紛舞慶霄臘雪強飛纔到地曉風偷轉不驚條  
脫冠徑醉應歸臥便腹從人笑老韶

公自注前一日微雪是日暮次賜酒

後漢侯霸傳每春下寬大之詔奉四時之令皆霸所建也續漢禮儀志立春之日  
下寬大詔書左傳宣公十二年楚子伐蕭蕭潰申公巫臣曰師人多寒王巡三軍  
拊勉之三軍之士皆如挾纊撫言短李鎮揚州請章李標賦雪詩云朱門到晚難  
盈尺盡是三軍喜氣消荆楚歲時紀人日家家剪綵或鏤金箔爲人謝宣遠詩慶  
霄薄汾陽杜子美雪詩南雪不到地隨鐵論周公  
之時風不鳴條雨不破塊便腹後漢邊韶事屢見

### 再和

與君流落偶還朝過眼紛綸七葉貂莫笑華顛飄彩勝  
幾人黃壤隔青霄行吟未許窮騷雅坐嘯猶能出教條  
記取明年江上郡五更春枕夢春韶

左思詠史詩金張藉舊業七葉珥漢貂漢金日磾傳七葉內侍何其盛也劉向新  
序齊宣王謂閭丘卬曰士亦華髮墮顛而後可用耳坐嘯後漢成瑨事再見漢黃  
霸傳然後爲條教置父老師帥伍長坑行  
之於民間梁元帝纂要春景曰嬌景韶景

### 葉公秉王仲至見和次韻答之

葉公秉名均時爲秘書  
監王仲至名欽臣爲秘



書少  
監

衫絺方暑亦堪朝歲晚淒風憶阜貂共喜鷄鸞歸禁籞  
心知日月在重霄君如老驥初遭絡我似枯桑不受條  
強鐫霜須簪綵勝蒼顏得酒尙能韶

漢宣帝紀也籞假與貧民蘇林曰折竹以繩綿連禁籞使人不得往來律名  
爲籞應劭曰籞禁苑也詩國風蠶月條桑鄭氏云條桑枝落之采其葉也

再和

衰遲何幸得同朝溫勁如君合珥貂誰惜異材蒙徑寸  
自慙枯枿借凌霄光風泛泛初浮水紅糝離離欲綴條  
後日一樽何處共奉常端冕作咸韶

後漢典服志侍中中常侍武冠加黃金璫附蟬爲文貂尾爲飾注應劭曰說者以  
金取堅剛百鍊不耗蟬居高飲潔口在掖下貂內勁悍而外溫潤此因物生義也

徑寸用左太冲詩史詩詳見本卷柳宗元與蕭儼書枯朽腐敗不能生植楚辭招  
魂光風博蕙泛崇蘭此韓退之詩始見洛陽春桃枝綴紅椽漢百官表奉常秦官  
掌宗廟禮儀景帝中六年更名太常屬官有大樂等六令  
禮記樂記疏冕而聽古樂樂維黃帝樂曰咸池舜曰蕭韶

## 施註蘇詩卷之二十七





施註蘇詩卷之二十八

長洲顧嗣立

漫堂先生宋 犖

閱定

毗陵邵長蘅

刪補

樸園先生張榕端

商丘宋 至

詩五十八首

起在翰林泊元祐  
己巳出守錢塘作

次韻王晉卿惠花栽栽所寓張退傅第中

坐來念念失前人共向空中寓一塵若問此花誰是主

天教閑客管青春

柳子厚石門長老詩坐來念念非昔人萬遍蓮  
華爲誰用杜牧之書然詩願爲閑客此閑行

次韻王晉卿上元侍燕端門



月上九門開星河繞露臺君方枕中夢我亦化人來光

動仙毬

音

香餘步輦回相從穿萬馬衰病若爲陪

漢文帝紀嘗欲作露臺故事上元日端門築露臺高丈餘優人妓女皆列其上放燈至夜闌綵山上毬下仙毬妓則聽民縱觀天子乘步輦還內枕中夢用盧生事再見列子周穆王篇西極之國有化人來居亡幾何謁王同遊王執化人之社騰而上者中天而止

王鄭州挽辭

王鄭州名克臣字子難河南人勲臣審琦之曾孫相承衍尚秦賢穆公主子難第景祐進士仁宗閱

其父名謂侍臣曰賢穆有孫登科可嘉也熙寧中爲開封度支二判官遷鹽鐵副使監安上門鄭俠介夫以上書直言竄嶺表子難嘗薦俠目饋之白金坐奪官復爲戶部副使以集賢殿修撰知鄆州河決曹村子難亟築隄城下或曰澶洲去鄆爲遠且州徙於高入十年不知水患安事此不聽役愈急隄成水大至不沒者財尺餘復起甬道屬之東平王陵邦人得趨以避水皆繪奉其像壘書褒焉故詩云千里農桑歌子產子師約習進士英宗求儒生爲主婿乃以師約尚焉故云一時冠蓋慕蕭嵩元祐四年以龍圖閣直

學士太中大夫

卒年七十六

羨君華髮起琳宮。右輔初還鼓角雄。千里農桑歌子產。  
一時冠蓋慕蕭嵩。那知聚散春糧外。便有悲歡過隙中。  
京兆同僚幾人在。猶思對按筆生風。  
公自注吾爲開封府幕與子難同廳  
空洞靈章經衆聖。集琳宮。金母命清歌。左傳襄公三十年子產爲政三年與人誦  
之曰。我有子。弟子產誨之。我有山。疇子產殖之。子產而死。誰其嗣之。唐蕭嵩傳以  
太子太師請老。而子華爲侍郎。子衡尚主位。三品就養。年踰八十。士豔其榮。莊子  
逍遙遊。適百里者宿舂糧。又知北遊。人生天地間。若白駒之過隙。忽然而已。漢  
廣漢傳爲京兆尹。見  
事風生。無所迴避。

書王定國所藏王晉卿畫著色山二首

先生以詩謫黃州凡

五年王定國鞏亦坐累謫監賓州酒稅王晉卿謫爲英宗主壻主薨說徙均州故云三人俱是識山人

白髮四老人。何曾在商顏。煩君紙上影。照我冑中山。  
山中亦何有。木老土石頑。正賴天日光。澗谷紛爛斑。我心

三  
之  
後  
保  
胸  
氣  
上  
陣



空無物斯文定何間一作何君看古井水萬象自往還

漢張良傳注顏師古曰四人即商山四皓也  
溝洫志引洛水至商顏下注云商山之顏也

君歸嶺北初逢雪我亦江南五見春  
寄語風流王武子三人俱是識山人

晉王濟傳字武子少有逸才風姿英爽氣  
蓋一時王武子尚常山公主以比晉卿也

### 送呂昌朝知嘉州

不羨三刀夢蜀都聊將八詠寄東吳  
臥看古佛凌雲閣敕賜詩人明月湖  
得句會應緣竹鶴思歸寧復為蓴鱸  
橫空好在修眉色頭白猶堪乞左符

晉王濬傳夜夢懸三刀於其臥屋梁上須臾又益一刀覺甚惡之主簿李毅曰三  
刀為州又益一者明府其臨益州乎果遷益州刺史婺州圖經八詠樓碑在州南

宋沈約集有東陽八詠嘉州江上有大石佛明月湖在州治之東韓退之南山詩  
以與  
之  
天宇浮修眉濃綠畫新就漢書銅虎符注與郡守爲符者各分其半右雷京師左

次韻黃魯直寄題郭明父府推潁州西齋二首

樹頭啄木常疑客客去而瞋定不然脫轄已應生井沫  
解衣聊復起庖煙平生詩酒真相汙此去文書恐獨賢  
蚤晚西湖映華髮小舟翻動水中天

賈島詩時聞啄木鳥疑是打門僧韓退之剝啄行我不出應客去而瞋杜子  
美詩久遭詩酒汙何事秦簪裙詩小雅我從事獨賢西湖潁州之西湖也

寂寞東京月旦州德星無復綴珠旒莫嗟平輿去聲空神

物尚有西齋接勝流春夢屢尋湖十頃家書新報橘千  
頭雪堂亦有思歸曲爲謝平生馬少游



月旦汝南許劭事已見劭傳註云縣有月旦里稽神異苑陳實與子姪造荀爽父子討論于時太史奏德星聚漢志五星如連珠許劭傳劭兄虔亦知名汝南人稱平輿淵有二龍焉太平寰宇記汝南縣有二龍鄉謂許劭許靖橋千頭襄陽李衡事馬少游語在馬援傳並再見石崇思歸引序困於人間煩黷常思歸而永歎尋覽樂篇有思歸引儻古人之情有同於今故制此曲

次韻秦少章和錢蒙仲

秦少章名觀少游弟錢蒙仲穆父子

碧畦黃隴稻如京歲美人和易得情鑑裏移舟天外思  
地中鳴角古來聲山圍故國城空在潮打西陵意未平  
二子有如雙白鷺隔江相照雪衣明

詩小雅曾孫之庾如砥如京鄭氏云京高丘也李白詩人行明鏡中鳥渡屏風裏王羲之曰每過山陰道如明鏡中行也元微之會稽州宅詩星河影向簷前落鼓

角聲從地下迴

次韻錢越州

錢越州穆父先賦羣字韻詩東坡次其韻錢又和寄坡復次其韻先是東坡起流落中掌二制勇於



報國不爲顧慮且復陳於言語是時衆賢雖聚本朝而已有洛黨  
川黨朔黨之語言路多以謗訕誣之二聖察其忠蓋不以爲辜諸  
公無以泄其怒凡所薦引如黃魯直歐陽叔弼王定國秦少游皆  
被彈劾無得免者公乃屢章乞去歷辯謗傷元祐四年三月除龍  
圖閣學士知杭州而穆父時以京尹坐奏獄空事守越正言劉器  
之謂責之太薄錢與公以氣類厚善故此詩末章云年來齒頰生  
荆棘習氣因君又一言後又和云欲息波  
瀾須引去吾儕豈獨在多言意皆有在也

髯尹超然定逸羣南游端爲訪雲門謫仙歸侍玉皇梭  
老鶴來乘刺史轡已覺簿書哀老子故知籩豆有司存  
年來齒頰生荆棘習氣因君又一言

蜀關羽傳諸葛亮答羽書曰孟起黔彭之徒當與益德並驅爭先猶未及髯之絕  
倫逸羣也羽美髯髯故亮謂之髯馬超字孟起張飛字益德元微之越州寄白樂  
天詩我是玉皇香案吏謫居猶得小蓬萊已見白樂天詩老鶴風標不可親後漢  
馬援爲隴西太守輒曰頗哀老子使得遨遊再見真誥許遠遊與王羲之書云君  
侯心中荆棘交雜華嚴  
經斷除一切煩惱習氣



同秦仲二子雨中游寶山

平明已報百吏散半日來陪二子閑立鶴低昂煙雨裏  
行人出沒樹林間

去杭州十五年復游西湖用歐陽察判韻

我識南屏金鯽魚重來拊檻散齋餘還從舊社得心印  
似省前生覓手書封合平湖久蕪沒人經豐歲尚凋疎  
誰憐寂寞高常侍老去狂歌憶孟諸

高僧傳惠可立雪斷臂求法於達磨達磨曰我法一心不立文字法師以心契故  
曰心印王注公游壽星院入門便悟嘗有詩云前生我已到杭州又晉羊祐自省  
前生李氏之子唐房瑄悟前生爲永禪師張文定公方平爲滁州日游琅邪山至  
藏院云前生寫楞伽經未終願再成之皆異人也唐高適爲封丘尉日有詩云我  
本漁樵孟諸野一生自是悠悠者乍可狂歌  
草澤中寧堪作吏風塵下適終左散騎常侍

與莫同年雨中飲湖上

莫君陳字和中吳興人官至少府監

到處相逢是偶然夢中相對各華顛  
還來一醉西湖雨不見跳珠十五年

公爲杭州日有詩云黑雲翻墨未遮山白雨跳珠亂入船故今詩云爾

送子由使契丹

雲海相望寄此身那因遠適更沾巾  
不辭驛騎凌風雪要使天驕識鳳麟  
沙漠回看清禁月湖山應夢武林春  
單于若問君家世莫道中朝第一人

漢匈奴傳南有大漠北有强胡胡者天之驕子也杭州舊號虎林避唐諱更爲武林陸文學錢塘記云武林山隋時有白虎見其上因以名之唐李揆傳帝嘗曰卿門地人物文學皆當時第一信朝廷羽儀後爲入蕃使酋長曰聞唐有第一人李揆公是否揆畏雷因給曰彼李揆安有來耶

子由字公執翰林而東坡在杭  
州有詩切迂因事三



次韻答劉景文左藏

劉景文名季孫開封祥符人壯閎公平之少子初以右班殿直監饒州酒後以

左藏副使爲兩浙兵馬都監駐杭州公爲守表薦之得隰州以沒公嘗自書曰劉景文慷慨奇士也博學能詩英偉冠世孔文舉之流耳嘗寄僕詩云四海共知霜鬢滿重陽曾插菊花無死之日家無一錢但有書三萬軸畫數百幅云其愛重之如此

我老詩壇仆鼓旗借君佳句發良時但空賀監杯中物  
莫示孫郎帳下兒夜燭催詩金燼落秋芳壓帽露華滋  
故應好語如爬癢有味難名只自知

漢韓信傳建大將鼓旗唐南蠻傳攻大度河仆旗息鼓李白憶賀監詩昔好杯中物今爲松下塵帳下兒用禰正平譏劉荆州語詳見十二卷次韻答邦直詩注佛書如人飲水冷暖自知

坐上復借韻送岢嵐軍通判葉朝奉

雲間蹋白看纏旗莫忘西湖把酒時夢裏吳山連越嶠

樽前羌婦雜胡兒夕烽過後人初醉春鴈來時雪未滋  
爲問從軍真樂否書來麴遣故人知

王注軍中有踏白馬行師以爲先驅蹋白纒旗蓋岢嵐邊州所見也杜子美夕烽詩夕烽來不近每日報平安王仲宣從軍詩從軍有苦樂但問所從誰

始於文登海上得白石數升如芡實可作枕聞

梅丈嗜石故以遺其子子明學士子明有詩次

其韻

梅子明吳郡人自館閣求便親養爲杭州通判

海隅荒怪有誰珍零落珊瑚泣季倫法供坐令微物重  
色難歸致孝心純只疑薏苡來交趾未信蠙珠出泗濱  
願子聚爲江夏枕不勞揮扇自寧親

晉石崇傳字季倫與王愷以奢靡相尚武帝助愷以珊瑚樹高二尺許以示崇崇以鐵如意擊碎之愷爲之惋惜崇曰不足多恨乃命左右悉取珊瑚高三四尺者



六七株如愷比者甚衆愷慨然自失華嚴經諸供養中法供養最先生舊有怪石  
供故云蕙政用馬援交趾事再見高晝泗濱浮磬淮夷蠙珠暨魚東觀漢記黃香  
至孝事母暑月扇枕寒則  
以身溫席人號江夏黃童

次韻錢越州見寄

莫將牛弩射羊羣臥治何妨晝掩門稍喜使君無疾病  
時因送客見車幡搔頭白髮秋無數閉眼丹田夜自存  
欲息波瀾須引去吾儕豈獨坐多言

王注漢有八牛弩以射楚軍矢及十里黃庭經靈吸爐外出入丹田注存三丹田  
使和積如一則曰胎仙韓退之剝啄行凡今之人急名與官子不引去與爲波瀾

文登蓬萊閣下石壁千丈爲海浪所戰時有碎

裂淘灑歲久皆圓熟可愛土人謂此彈子渦也  
取數百枚以養石菖蒲且作詩遺垂慈堂老人



筆、不與不竟、原

蓮。葉。上。峯。玉。立。色。不。改。孤。根。捍。滔。天。雲。骨。有。破。碎。陽。

初未煥發

侯。殺。靡。角。陰。火。發。光。采。累。累。彈。丸。間。瑱。細。或。珠。琲。間。浮。

一。漚。耳。真。妄。果。安。在。我。持。此。石。歸。袖。中。有。東。海。垂。慈。老。

人。眼。俯。仰。了。大。塊。置。之。盆。盜。中。日。與。山。海。對。明。年。菖。蒲。

根。連。絡。不。可。解。儻。有。蟠。桃。生。旦。暮。猶。可。待。

本玄虛海賦陰火潛然劉禹錫賦發陰火之光采左太冲吳都賦金鎰磊珂珠琲  
關于長阿含經閻浮提世界由閻浮提樹得名楞嚴經空生大覺中如海一漚發

再見  
本卷

### 次韻毛滂法曹感雨

毛滂字澤民元祐初公在翰苑澤民自  
浙入京以詩贊文一編自通公出守錢

塘澤民適為掾紹聖初謫惠州澤民以書問安否又寄所擬秋興

賦公答之曰秋興之作追配騷人多矣公不遇自有定數然非厄

窮無聊何以發此奇思以自表於世耶澤民嘗為武康令崇寧

初除刪定官未幾為言者論去後知秀州有東堂集行於世



江南佳公子遺我錦繡端攬之溫如春公子焉得寒興  
雨自有時膚寸便蒙靈斂藏以自潤牛斗何足干空庭  
月與影強結三友歡我豈不足歟要此清團團欲歡在  
一醉常恐樽中乾捨酒尚可樂明珠如彈丸但恐千仞  
雀怱怱發虛彈迨子閑暇時種子田中丹一朝涉世故  
空腹容欺謾我頃在東坡秋菊爲夕餐永愧坡間人布  
褐爲我完雪堂初覆瓦上簾無下莞時時亦設客每醉  
筒輒殫一笑便傾倒五年得輕安公子豈我徒衣鉢傳  
一簾定非郊與島筆勢江河寬悲吟古寺中穿帷雪漫  
漫他年記此味芋火對懶殘



張平子四愁詩美人贈我錦繡段何以報之青玉案公羊傳觸石而出膏寸而合  
不崇朝而徧雨乎天下者惟泰山雪爾南史王筠傳好詩聞美流轉如彈丸再見  
莊子讓王篇以隋侯之珠彈千仞之雀世必笑之以其所用重而所要輕也黃庭  
經注寸田謂二丹田皆方一寸毛詩下莞上簟乃安斯寢公答秦太虛書初到黃  
廩入既絕人口不少私甚憂之但痛自節儉日用不過百五十每月朔便取四千  
五百錢斷爲三十塊挂屋梁上平日用盡又挑取一塊卽藏去又仍以大竹筒別  
貯用不盡者以待賓客此賈耘老法也楞嚴經心悟實相身意輕安撫言唐進士  
如得主司或與主司先人同名第卽謝衣鉢古詩話和凝第十三名及第後知舉  
取范質第十三名謂曰此傳老夫衣鉢耳郊島皆韓愈門人公蓋以韓自況也袁  
郊甘澤謠衡岳寺有僧執役性懶而食殘號懶殘李泌嘗異之一日往見正撥火  
出芋啖之取其半以授必  
曰勿多言領取十年宰相

### 送鄧宗古還鄉

廣漢有姜子孝悌行里閭赤眉雖豺虎弛兵過其墟至  
今空清泉無復雙鯉魚南鄭有李劄得妙甘公書夜坐  
指流星驚倒兩使車抱關不甞仕布褐蒙璠璣西南固



多士君得二子餘凜凜忠文公搜士及樵漁澗谿有幽  
討蘋芷真嘉蔬歲晚終不食心惻當何如

後漢列女傳姜詩事母孝母嗜江水魚膾夫婦常力作供之舍側忽有涌泉每旦  
輒出雙鯉以供膳亦齋賦經詩里強兵而過曰驚大孝必觸鬼神又互見十八卷  
五禽言詩注後漢李卻傳漢中南鄭人也善河圖風星和帝遣使徵服單行觀采  
風謠二使當到益部投卻候舍卻時為幙門候吏夏夜露坐因仰觀問曰二君發  
京師時寧知朝廷遣使耶二人相驚視曰不聞也問何以知之卻指星云二使星  
向益州分野故知之後三年其使者一人拜漢中太守卻猶為更太守奇其隱德  
召署戶曹史甘公古之知星者忠文范蜀公也蜀  
公諱鎮字景仁薨謚忠文宗古當是景仁門生

參寥上人初得智果院會者十六人分韻賦詩

得心字

參寥上人名道潛事見十五卷智果舍下有泉  
出石間東坡名之參寥泉且為之銘故詩云云

漲水返舊壑飛雲思故岑念君忘家客亦有懷歸心三  
閒得幽寂數步藏清深攢金盧橘塢散火楊梅林茶笋

盡禪味松杉真法音雲崖有淺井玉醴常半尋遂名參  
寥泉可濯幽人襟相攜橫嶺上未覺衰年侵一眼吞江  
湖萬象涵古今願君更小築歲晚解我簪

揚雄太玄經飲玉醴以解渴張  
平子思立賦飲青岑之玉醴

哭王子立次兒子迨韻

王子立名適事見上卷次韻  
王郎子立風雨有感詩註

彭城初識子照眼白而長異夢成先兆

公自注余爲密州子立  
未嘗相識忽告同舍生

曰吾夢爲密州壻何也已  
而果以子由之子妻之

清言得未嘗豈惟知禮意遂欲補詩

亡

公自注子立能  
詩而有禮學

咄咄真相逼諸生敢鴈行

韓退之銘吾見其孫白而長身再見晉朱哲有補亡詩其序曰哲與同業疇人建  
修鄉飲酒之禮然所詠之詩或有義無辭音樂取節闕而不備於是遙想既往存  
思在昔補著其文以綴舊制法帖衛大人書王逸  
少甚能學衛真書咄咄逼人筆勢洞精子體迨婦



非無伯鸞志獨有子雲悲

公志子立慕享年三十五一女初晬有遺腹裔其兄遽子開葬之臨城

恨

子非天合猶能使我思兒曹莫悽慟老眼欲枯萎會哭

皆豪傑

公自注子立與黃魯直張之潛晁無咎秦少游陳無已皆友善

誰為感舊詩

後漢梁鴻傳字伯鸞家貧而尚節介鄉里勢家慕之多欲女之鴻並絕不娶同縣孟氏女狀醜肥而黑擇對不嫁鴻聞而聘之共入霸陵山中以耕織為業詠詩書彈琴以自娛仰慕前世高士而作頌揚子法言育而不苗者吾家之童烏乎注云童烏子雲之子也子雲傷童烏育而不苗也

龍困嘗魚服羊儼或虎蒙恩恩成鬼錄憤憤到天公偶

落落藩牆上同遊羿彀中回看十年事黃葉卷秋風

張平子東京賦白龍魚服見困豫且揚子下質而虎皮見草而悅見豺而戰忘其皮之虎也魏文帝與吳質書徐陳應劉一時俱逝撰其遺文都為一集觀其姓名已為鬼錄晉天文志康帝建元二年歲星犯天關安西將軍庾翼與兄冰書曰歲星犯天關占云關梁當分比來江東無他故江道亦不艱難而石季龍頻年再閉關不通信使此復是天公憤憤無皂白之證也庾信詩憤憤天公曉精神殊乏少磨牆用范縝對景陵王人生如樹花同發隨風而墮語羿彀用莊子德充符語並已見

異鵲并引

熙寧中柯侯仲常通守漳州以救饑得民有二鵲  
栖其聽事訖侯之去鵲亦送之漳人異焉爲賦此

詩

昔我先君子仁孝行於家家有五畝園么鳳集桐花是  
時烏與鵲巢穀可俯拏憶我與諸兒飼食觀羣呀里人  
驚瑞異野老笑而嗟云此方乳哺甚畏鳶與蛇手足之  
所及二物不敢加主人若可信衆鳥不我遐故知中孚  
化可及魚與鰕柯侯古循吏惻惻真無華臨漳所全活  
數等江干沙仁心格異族兩鵲栖其衙但恨不能言相



對空楂楂善惡以類應古語良非夸君看彼酷吏所至

號鬼車

荀子王者之政好生惡殺則鳥鵲之巢可俯而窺莊子馬蹏篇至德之世禽獸可  
係羈而遊鳥鵲之巢可攀援而窺周易中孚信及豚魚吉東坡雜說小年時所居  
書室前有竹柏雜花叢生滿庭衆鳥巢其上武陽君惡殺生兒童婢僕皆不得捕  
取數年開鳥雀皆巢於低枝其驚可俯而窺也又有桐花鳳四五日一翔集其間  
此鳥羽毛至為奇異難見而能馴擾殊不畏人閭里間見之以為異事此無他不  
慢之誠信於異類也有野老言鳥雀去人太遠則其子有蛇鼠狐狸鴟雀之憂人  
既不殺則自近人蓋欲免此害也由是觀之異時鳥雀巢不敢近人者以人為甚  
於蛇鼠之類也苛政猛於虎信哉後漢章帝紀元和元年詔曰安靜之吏惻恤無  
華韓退之雜詩鵲鳴聲楂楂鳥噪聲獲獲嶺表錄異鳥一名  
鬼車或云九首古者重鵲肉及巢羹蓋惡鳥欲滅其族也

次韻詹適宣德小飲巽亭

君方夢謫仙

公自注來詩記李白郎官湖事

我亦弔文園江上同三黜天涯

共一樽濤雷殷白晝梅雪耿黃昏歸去多情雨應隨御

史軒

公自注詹爲御史臺主簿

金道真浙江記潮頭湧激高數丈旬隱若雷霆林逋梅詩暗香浮動月黃昏唐顏真卿傳爲監察御史使河隴時五原有冤獄久不決天且旱真卿辨獄而雨郡人呼爲御史雨韓退之所雨詩  
行看五馬八蕭颯已隨軒

東川清絲寄魯冀州戲贈

魯冀州名有開字元翰事見第十二卷送元翰如衛州詩註

鵝谿清絲清如冰上有千歲文枝藤藤生谷底飽風雪  
歲晚忽作龍蛇升嗟我雖爲老侍從骨寒只受布與繒  
牀頭錦衾未還客坐覺芒刺在背膺豈如髯卿晚乃貴  
福祿正似川方增醉中倒著紫綺裘下有半臂出縹綾  
封題不敢妄裁剪刀尺自有佳人能遙知千騎出清曉  
積雪未放浮塵與白須紅帶柳絲下老弱空巷人相登



但放奇紋出領袖吾髯雖老無人憎

杜子美張舍人遺襦段詩錦鯨卷還客始覺心和平漢霍光傳上內嚴憚之若有芒刺在背李曰翫月詩序翫月金陵城西孫楚樓日晚乘醉著紫綺裘烏紗帽與酒客數人棹歌秦淮北夢瑱言鄭愚好華侈以錦爲半臂後以所業見崔鉉歎曰真消得錦半臂宣室志竇參夢德宗以文錦半臂賜之解者曰半臂乃股肱之服後數日果大拜溫庭筠乾腰子房瑄家法不著半臂韓退之詩我齒豁可鄙我顏老可憎

怡然以垂雲新茶見餉報以大龍團仍戲作小詩

妙供來香積珍烹具大宮揀牙分雀舌賜茗出龍團曉日雲菴暖春風浴殿寒聊將試道眼莫作兩般看

維摩經香積如來以衆香鉢盛滿香飯與化菩薩唐百官志天官署令掌供祠宴朝會膳食呂仲吉建安茶錄牙如鷹爪省舌者爲上一槍一旗次之

次韻王忠玉游虎丘三首

移字一疏字是省後  
白詩有而六句耳

當年太白此相浮老守娛賓得二丘

公自注郡人有閻丘公大守王規父嘗云不謂虎丘

即謂閻丘規父忠玉伯父也

白髮重來故人盡空餘叢桂小山幽

楚辭劉安招隱士序曰淮南小山之所作也辭曰桂樹叢生兮山之幽

青蓋紅旗映玉山新詩小草落玄泉風流使者人爭看

知有真娘立道邊

公自注虎丘中路有真娘墓

張平子東京賦陰池幽流玄泉列清並東野詩手中飛燕電象外寫玄泉

舞衫歌扇轉頭空只有青山杳靄中若共吳王鬪百草

使君未敢借驚鴻

劉禹錫寄蘇州白使君詩若共吳王鬪百草不知應是欠西施又泰娘歌舞鶴驚鴻水榭春歌撩上客蘭堂暮

寄蔡子華

蔡子華名義眉之青神人成都帖有詩叙云王十六秀才將歸蜀云子華宣德蔡丈見託求詩夢中爲作四句



覺而成之以寄子華仍請以示楊君素

王慶源二老人元祐五年二月七日

故人送我東來時手栽荔子待君歸荔子已丹吾髮白  
猶作江南未歸客江南春盡水如天腸斷西湖春水船  
想見青衣江畔路白魚紫笋不論錢霜髯三老如霜檣  
舊交零落今誰輩莫從唐舉問封侯但遣麻姑更爬背  
史記蔡澤傳嘗從唐舉相舉熟視而笑曰吾聞聖人不相給  
先生乎澤知舉戲之乃曰富貴吾所自有所不知者壽也

和錢四寄其弟蘇

錢四蓋穆父蘇字思仲時穆父守越公守  
杭故云東西二老人別本又載一篇云老

來日月似車輪此去知逢幾箇春昨  
夜冰花猶作往曉來梅子已生人

再見濤頭湧玉輪煩君久駐浙江春年來總作維摩病  
堪笑東西二老人

維摩經長者維摩詰以方便現身有疾以其疾故  
無數千人皆往問疾維摩詰因以身疾廣爲說法

臥病彌月聞垂雲花開順閨黎以詩見招次韻

答之

道人心似水不礙照花妍宴坐春強半清陰月屢遷平  
生無起滅一念有陳鮮嫋嫋風枝舉離離日萼薦病吟  
終少味老醉不成顛何必遨頭出湖中有散仙

李義山詩日薄不薦花後漢馬援傳過是欲少味矣成都記太守凡  
出遊樂士女列於木牀觀之勢如磴道謂之遨牀故謂太守爲遨頭

故周茂叔先生濂谿

周茂叔先生子燾字次元公守杭次元  
爲兩浙轉運同在錢塘爲賦此詩次元

終寶文

閣侍制

世俗眩名實至人疑有無怒移水中蟹愛及屋上烏坐



刻去作出... 伊以不克... 謝與伊... 謝與伊... 謝與伊...

令此谿水名與先生俱先生本全德廉退乃一隅因拋彭澤米偶似西山夫遂卽世所知以爲谿之呼先生豈我輩造物乃其徒應同柳州柳聊使愚谿愚

晉解系傳趙王倫以宿憾收系曰我於水中見蟹且惡之況此人兄弟輕我耶太公虎韜篇愛其人者愛及屋上之烏憎其人者憎其餘胥再見揚子或問子蜀人也請人曰李仲元者人也不夷不惠可否之間也如是則其名之不彰曰無仲尼則西山之餓夫與東國之紕臣惡乎聞柳子厚種柳詩柳州柳刺史種柳柳江邊又愚溪詩序余以愚觸罪謫瀟水上愛是谿故更名爲愚溪

次韻子由使契丹至涿州見寄四首

老人癡鈍已逃寒子復辭行理亦難公自注余昔年辭免使北要到盧龍

看古塞投文易水弔燕丹

唐地里志平州武德元年徙治盧龍一曰盧龍軍天寶二載置史記燕世家秦兵臨易水燕知禍且至太子丹使荆軻刺秦王秦王殺軻擊燕燕斬丹以獻

胡羊代馬得安眠窮髮之南共一天又見子卿持漢節

遙知遺老泣山前

莊子逍遙游窮髮之北有冥海者天池也李潤詩島嶼分諸國星河共一天韓退之

和連昌宮詩宮前遺老來相問今是開元幾葉孫李太白金陵詩六帝餘古丘

樵蘇泣遺老

羶毳年來亦甚都時時鳩舌問三蘇

公自注余與子由入京時北使已問所在後余館伴

北使屢誦三蘇文

那知老病渾無用欲問君王乞鏡湖

始憶庚寅降屈原旋看蠟鳳戲僧虔隨翁萬里心如鐵

公自注時猶

子澤侍行

此子何勞爲買田

楚辭離騷攝提貞于孟陬兮惟庚寅吾以降南史王僧虔傳父曇首與兄弟集會子孫任其戲適僧虔採蠟燭珠爲鳳凰伯父弘稱其長者或云僧綽漢陸賈使南越歸出橐中金分諸子買好時田宅



雪後便欲與同僚尋春一病彌月雜花都盡獨  
牡丹在耳劉景文左藏和順閣梨詩見贈次韻  
答之

殘花怨久病剩雨泣餘妍不見雙旌出空令九陌遷

公

注開園時  
市井皆入

知君苦寂寞妙語嚼芳鮮淺紫從爭發深紅任

蚤薦天葩尚青萼國色待華顛載酒邀詩將臞儒不是

仙

次韻劉景文周次元寒食同游西湖

絮飛春減不成年老境同乘下瀨船藍尾忽驚新火後

遨頭要及浣花前

公自注成都太守自正月二日出遊  
謂之遨頭至四月十九日浣花乃止

山西老將詩

無敵洛下書生語更妍共向北山尋二士畫橈鼉鼓聒

清眠

漢武帝紀元鼎五年下瀨將軍下蒼梧臣瓚曰伍子胥書有下瀨船白樂天寒食詩三杯藍尾酒一櫟膠牙餠咸鎬故事清明尚食內園官小兒於殿前鑽新火賜宰臣以下漢趙充國傳贊曰秦漢以來山東出相山西出將莊子美贈李白詩白也詩無敵晉謝安傳能爲洛下書生詠維摩經三士共談必說妙法下謂清順道潛

連日與王忠玉張全翁游西湖訪北山清順道

潛二詩僧登垂雲亭飲參寥泉最後過唐州陳

使君夜飲忠玉有詩次韻答之

北山非自高千仞付我足西湖亦何有萬象生我目雲  
深人在塢風靜響應谷與君皆無心信步行看竹竹間  
逢詩鳴眼色奪湖淥百篇成俯仰二老相追逐故應千



頃池養此一雙鵠山高路已斷亭小膝屢促夜尋三尺  
井渴飲半甌玉明朝闌絲管寒食雜歌哭使君坐無聊  
狂客來不速載酒有鴟夷扣門非啄木浮蛆灑金盃翠  
羽出華屋須臾便陳跡覺夢那可續及君未渡江過我  
勤秉燭一笑換人爵百年終鬼錄

韓退之送孟東野序東野始  
以其詩鳴今以言二詩僧也

新茶送簽判程朝奉以餽其母有詩相謝次韻

答之

程朝奉名遵彥字之邵舉進士簽書杭州節度判官文學吏事  
皆有可觀事母孝謹有絕人者在東坡幕府二年替還有詩送

赴闕載二十九卷公再入爾林薦之於朝擢宗  
正丞後使廣西入爲祠部郎提點兩浙刑獄

縫衣付與漂陽尉舍肉懷歸穎谷封聞道平反供一笑

會須難老待千鍾火前試焙分新胯雪裏頭綱輟賜龍  
從此升堂是兄弟一甌林下記相逢

孟東野游子吟慈母手中線遊子身上衣臨行密密縫意恐遲遲歸唐孟郊傳字  
東野年五十登進士第調溧陽尉左傳隱公元年穎谷封人穎考叔有獻於鄭莊  
公公賜之食食舍肉公問之對曰小人有母未嘗君之羹請以遺之漢雋不疑傳  
爲京兆尹每行縣錄決囚徒還其母輒問有所平反活幾何人卽多有所平反母  
喜笑爲飲食語言異於他時毛詩既飲旨酒永錫難老魯侯宴喜令壽壽母莊子  
寓言篇曾子再仕而心再化曰吾及親仕三釜而心樂後仕三千鍾不泊吾心悲  
茶錄福建貢茶每若干計綱以進國朝故事第一綱團茶至卽分賜近臣歐陽公  
歸田錄茶之貴者莫如龍鳳三國吳周瑜傳孫策與瑜同年獨相友善升堂拜母  
有無通共張昭傳孫策創業命昭  
爲長史升堂拜母如比肩之舊

### 次韻送張山人歸彭城

羨君飄蕩一虛舟來作錢塘十日遊水洗禪心都眼淨  
山供詩筆總睂愁雪中乘興真聊爾春盡思歸卻罷休



何日五湖從范蠡種魚萬尾橘千頭

莊子列禦寇沉若不繫之舟虛而遨遊者也北戶雜錄陶朱公養魚法凡種魚每二月上庚日取鯉魚有子者投池中柳子厚遊黃溪記有魚數千尾橘千頭

次韻林子中王彥祖唱酬

林子中名希時守潤故有雨餘北固之句

蚤知身寄一漚中晚節尤驚落木風

公自注近聞莘老公昨擇皆逝故有此句

夢已論三世事歲寒猶喜五人同

公自注余與子中彥祖子敦完夫同試舉人景德寺今皆健

雨餘北固山圍坐春盡西湖水映空差勝四明狂監在

更將老眼犯塵紅

楞嚴經空生大覺中如海一漚發有漏微塵國皆因空所生圓覺經如昨夢故當知生死及與涅槃無起無滅無去來今南史梁平樂侯傳京城之西有別嶺入江高數十丈三面臨水號曰北固蔡謨起樓其上以置軍實唐賀知章傳晚節尤誕放自號四明狂客及秘書外監

壽星院寒碧軒

周益公詩話云蘇文忠公詩初若豪邁天成其實關鍵甚密再來杭州作壽星院寒碧軒詩句

淨似脫泥者尚有杜  
意必云是李色

句切題而未嘗拘其不清風蕭蕭搖撼扉牕前修竹一尺圍紛紛  
蒼雪落夏簾冉冉綠霧沾人衣寒碧各在其中第五句日高山蟬  
抱葉響頗似無意而杜詩云抱葉寒蟬靜解葉言之寒碧亦在  
其中矣人靜翠羽穿林飛固不待言末句卻說破其妙如此

清風蕭蕭搖撼扉牕前修竹一尺圍紛紛蒼雪落夏簾  
冉冉綠霧霑人衣日高山蟬抱葉響人靜翠羽穿林飛  
道人絕粒對寒碧為問鶴骨何緣肥

書劉景文左藏所藏王子敬帖

章子厚書評云劉季孫  
文思有子敬兩帖二十

二字雖殘缺不完而精神骨氣具在柳公權題數十字於其後用  
筆艱辛滯澀不可言米元章書史云王獻之送梨帖云今送梨三  
百顆晚雪殊不能佳即詩中所謂君家兩行十二字也宿按此詩  
注有東坡詩話所載子敬書史云王獻之送梨帖云今送梨三  
於世者皆無黃甘帖獨書史載唐摹逸少帖乃雙鈎蠟紙本云  
奉橘三百顆霜未降未可多得詩話所載蓋誤記梨為甘也

家雞野鷺同登俎春蚓秋蛇總入奩君家兩行十二字



氣壓鄴侯三萬籤

書劉景文所藏宗少文一筆畫

張彥遠名畫記宗炳字少文南陽沮陽人善書

畫郭若虛圖畫見聞志張彥遠稱惟王獻之能爲筆書陸探微能爲一筆畫

宛轉回紋錦紫盈連理花何須郭忠恕匹素畫縑車

郭若虛圖畫見聞志郭忠恕字恕先雒陽人善畫有設統素求爲圖畫者必怒而去乘輿卽自爲之有富人子喜畫設几案粉墨絹素屢以情言忠恕取紙數十番首畫一了角小童持車輪紙窮處作風爲中引線長數丈富家子大怒遂謝絕

眞覺院有洛花花時不暇往四月十八日與劉

景文同往賞枇杷

綠暗初迎夏紅殘不及春魏花非老伴盧橘是鄉人井  
落依山盡巖崖發興新歲寒君記取松雪看蒼鱗

字南陽水石詩中語而  
信詩中語

歐陽公花釋名牡丹中魏花者于巢內紅出於魏仁浦故相家百樂天醉鄉叔詩  
老伴如右少吏記司馬相如傳盧橘夏熟注今蜀中有給客橙即盧橘也或助云  
盧橘批  
祀也

又和景文韻

牡丹松檜一時栽付與春風自在開試問壁間題字客  
幾人不爲看花來

西湖壽星院此君軒

臥聽謾謾碎龍鱗俯看蒼蒼立玉身一舸鴟夷江海去  
尚餘君子六千人

陸機感冬賦風謾謾而屢作世說世目李元禮謾謾如勁松下風再見百樂天題  
武丘詩玉立竹森森更記越王句踐世家用范蠡計發習流二千教士四萬君子  
六千人諸御千人伐吳句踐已平吳范蠡乃與其  
私徒屬乘舟浮海出齊變姓名自謂鴟夷子皮



仲天貺王元直自眉山來見余錢塘畱半歲既

行作絕句五首送之

王箴字元直公夫人同安君之弟也

仲君豈第多學王子清修寡言病後空驚鶴瘦時來或作鵬鸞

海角煩君遠訪江源與我同來剩作數詩相送莫教萬里空回

郭景純江賦惟岷山之導江初發源乎濫觴

三人一旦同行

公自注三子與奈少章同寓高齋復同舟北行

畱下高齋月明遙想扁

舟京口尚餘孤枕潮聲

更欲畱君久住念君去國彌年空使犀頰玉頰長懷髯

勇淒然

犀顧玉頰公自謂  
諸子髯舅謂元直

爲余遠致殷勤瑞草橋邊老人紅帶雅宜華髮白醪光  
泛新春

不人王慶源也公先  
有慶源詩引見上卷

贈善相程傑

心傳異學不謀身自要清時閱搢紳  
火色上騰雖有數急流勇退豈無人  
書中苦覓元非訣醉裏微言卻近真  
我似樂天君記取華顛賞遍洛陽春

唐馬周傳岑文本謂所親曰馬君鳶肩火色騰上必速恐不能久江鄰幾雜志錢  
若水謁華山陳搏搏曰目如點漆黑白分明當作神仙有紫閣老僧曰不然他日



但能富貴急流中勇退耳白樂天醉吟先生傳洛陽內外六七十里間觀寺  
丘壘有泉石花竹者靡不遊又閑吟詩看雪尋花飭風月洛陽城裏七年閑

施註蘇詩卷之二十八













